## T. GʻAFFOROVA, SH. NURULLAYEVA, 7. MIRZAHAKIMOVA

# O'QISH KITOBI

### Umumiy o'rta ta'lim maktablarining 2-sinfi uchun darslik

To'rtinchi nashr

Oʻzbekiston Respublikasi Xalq ta'limi vazirligi tasdiqlagan



"SHARQ" NASHRIYOT-MATBAA AKSIYADORLIK KOMPANIYASI BOSH TAHRIRIYATI TOSHKENT — 2018 UOʻK 372.41(075) KBK 83.3Oʻzb Gʻ 29

#### Mas'ul muharrir:

Nizomiddin Mahmudov, filologiya fanlari doktori, professor.

#### Taqrizchilar:

**Dilshod Rajab,** Oʻzbekiston Yozuvchilar uyushmasi a'zosi, bolalar shoiri;

**Zarifa Jumanova**, RTM Boshlang'ich ta'lim bo'limi boshlig'i, f.f.n; **Fotima Karimova**, Toshkent shahridagi 281-maktab boshlang'ich sinf o'qituvchisi.

### Shartli belgilar:



- savollar



– tez aytish



topshiriq



topishmoq



\_ maqol va hikmatli soʻz



dars tugadi



- multimedia ilovasi

### Respublika maqsadli kitob jamgʻarmasi mablagʻlari hisobidan chop etildi.

G' 29 G'afforova T. va boshq.

Oʻqish kitobi: 2-sinf uchun darslik/T. Gʻafforova, Sh. Nurullayeva, Z. Mirzahakimova. Mas'ul muharrir N. Mahmudov – T.: "Sharq", 2018. – 176 b.

UO'K: 372.41(075) KBK 83.30'zb

ISBN 978-9943-26-763-3

<sup>©</sup> T. G'afforova, Sh. Nurullayeva, Z. Mirzahakimova.

<sup>© &</sup>quot;Sharq" NMAK Bosh tahririyati, 2012, 2014, 2016, 2018.



### VATANJONIM, VATANIM

Po'lat Mo'min

Vatanjonim, vatanim, Ko'zim quvnab ko'rganim. Istiqboldan kulganim, O'zbekiston - gulshanim.

Bahra olib bagʻringdan, Ulg'ayaman mehringdan. Vatanjonim, vatanim, O'zbekiston - gulshanim.

Sen o'xshaysan onamga, Magtay butun olamga. Vatanjonim, vatanim, O'zbekiston – gulshanim.



- 1. She'r nima haqida ekan?2. Inson Vatanini nima uchun yaxshi ko'radi?
  - 3. Vatan kimga o'xshatilyapti? Nima uchun?



Vatan haqida maqollar ayting.



Zanjir, tandir, anjir.



U yogʻganda, dala-qir Kuladi qiqir-qiqir.





### **VATAN**

Bu so'z hamma xalqlar uchun aziz. Har bir xalq yashaydigan joy ularning ona Vatanidir. "Vatan" atamasi arabcha so'z bo'lib, ona yurt ma'nosini bildiradi. Buyuk shoirimiz Alisher Navoiy "Vatan" tushunchasini ona yurt, tug'ilib o'sgan joy ma'nolarida ishlatgan.

Vatan ona kabi yagona, muqaddas. Oʻzbekiston — ajdodlarimiz umr kechirgan, biz tugʻilib, unib-oʻsayotgan diyor. Biz oʻz Vatanimizni sevamiz, u bilan faxrlanamiz. Vatanimizda barcha xalqlar teng huquqli. Yurtimizdan buyuk shoirlar, olimlar va mutafakkirlar yetishib chiqqan. Ular yurtimiz dovrugʻini butun dunyoga yoyganlar, jahon ilm-fani va madaniyatiga buyuk hissa qoʻshganlar. Shuning uchun ham xalqimiz qalbida abadiy yashaydi.

Biz Vatanimiz oʻtmishini, xalq ozodligi uchun kurashgan qahramonlarni hech qachon unutmaymiz. Har bir kishi oʻz mehnati bilan Vatan taqdiriga oʻz soʻzini bitadi. Vatanga muhabbat, uni koʻz qorachigʻidek asrash, bor kuch va iqtidorini uning obodligi yoʻlida sarflash – vatanparvarlik. Vatanni sevuvchi kishi, ana shunday asl fazilatlar egasi boʻlgan inson vatanparvar debataladi.

(Bolalar ensiklopediyasidan)



- 1. Vatan haqida nimalarni bilib oldingiz?
- 🤵 2. Vatanimiz haqida-chi?
  - 3. Siz Vatan uchun nima qila olasiz?



Vataning tinch - sen tinch.

### Maqol nima?

Maqollar xalq ogʻzaki ijodiga kiradi. Odamlar hayotda koʻrgan-kechirganlari asosida maqollarni yaratadilar. Maqollar kichik hajmda boʻlib, pand-nasihat mazmunini ifodalaydi.





### **TOSHKENT - O'ZBEKISTON POYTAXTI**

Uzoq oʻtmishda Toshkent bir qancha mamlakatlarni bir-biri bilan bogʻlagan. Toshkentdan "Buyuk Ipak yoʻli" deb atalgan savdo karvon yoʻli oʻtgan. Unga "Sharq darvozasi" nomi bejiz berilmagan. Koʻplab taniqli sayyohlar, olimlar, yozuvchilar va shoirlar Oʻzbekistonning bosh shahrini juda chiroyli ta'riflaganlar. Shuning uchun ham Toshkent "Doʻstlik shahri", "Non shahri", "Bogʻlar shahri", "Osiyoning yuragi" nomlari bilan mashhurdir.

2

Toshkent yam-yashil daraxtlarga burkangan soʻlim va fusunkor bogʻlari bilan odamlarni oʻziga jalb qiladi. Shaharda juda koʻplab madaniyat va istirohat bogʻlari mavjud. Toshkentliklarning sevimli maskaniga aylangan "Ulugʻbek", "Gʻafur Gʻulom", "Furqat", "Zafar Diyor" kabi bogʻlardagi turli daraxtlar, gul-u chamanzorlar bahridilingizni ochadi.

Poytaxtimizdagi muzeylarda tarixiy, adabiy, musiqiy meroslarimiz avaylab saqlanmoqda.

3

Toshkent metrosi haqiqiy me'morchilik mo'jizasi va yodgorligidir. Bugun poytaxtimiz metrosi uzunligi 38 kilometrlik yerosti yo'llari va 28 ta go'zal bekatlardan iborat.

Togʻ etagida joylashgan Toshkentning atrofidan bir nechta togʻ daryolari oqib oʻtadi. Ushbu daryolar shaharliklarni Chimyon togʻining qorli choʻqqilaridan oqib kelayotgan toza va muzday suv bilan ta'minlaydi.

("Toshkent va toshkentliklar" kitobidan qisqartirib olindi)



- 1. Matndan Toshkent haqida nimalarni bilib oldingiz?
- Toshkentdagi bogʻlar haqida soʻzlab bering.




Matnning bo'lingan qismlariga sarlavhalar qo'ying va qayta hikoya qiling.



Vatan qadrini bilmagan oʻz qadrini bilmas.



Oʻzimizda qator soqchi, Koʻzimizga qarab boq-chi?!



BIZ – VATANNING ERTASI

Muqim Qodir



Quvnoq o'g'il-qizlarmiz, Yerdagi yulduzlarmiz, Kelajakni koʻzlarmiz, Biz - Vatanning ertasi. Temurning avlodimiz, To'maris zuryodimiz, Tinchlikdir murodimiz, Biz - Vatanning ertasi. O'sayapmiz erkin, shod, Izlanib, qilib ijod, Bilim - bukilmas ganot. Biz - Vatanning ertasi. El-yurt sha'ni - orimiz, Pok saglash shiorimiz, Yashasin diyorimiz, Biz - Vatanning ertasi.



- 1. She'r kimning nomidan aytilgan?2. "Biz Vatanning ertasi" deganda nimani tushunasiz?



She'rdagi quyidagi qatorlar mazmunini tushuntirib bering:

> El-yurt sha'ni - orimiz, Pok saglash shiorimiz.



O'zga yurtda shoh bo'lguncha, o'z yurtingda gado bo'l.



Tohir tungacha to'p tepdi.



### **TANDIR**

(Rivoyat)

Alisher Navoiyning Muhammad ota degan qo'shnisi bo'lgan ekan. Uning birgina uyi bor ekan, xolos. Bir kuni Muhammad ota Navoiyning huzuriga kelibdi-da:

 Hazrat, sizga aytadigan bir iltimosim bor, – debdi. – Men bu dunyodan koʻz yumgan kunimoq oʻgʻlim Xudoyberdi kulbani sotadigan koʻrinadi. Nima boʻlsa ham uni sotishga yoʻl qoʻymasangiz. Mendan keyin Xudoyberdi bunday uyni tiklab olishiga hech ishonmavman. Kulbasiz koʻchalarda qolib, halok boʻladi, – debdi-da, koʻziga yosh olibdi. Navoiy:

Aytganingiz boʻladi, menga ishoning, –
deb yupatibdi.

Muhammad ota uyiga kelib o'g'lini yoniga chaqiribdi:

 Bolam, – debdi, – mabodo kunim bitib, qazo qilsam, uyni aslo sota koʻrma. Bordi-yu judayam sotging kelsa, Navoiy hazratlarining oldilaridan bir oʻtib, keyin bu ishga qoʻl ur. Hazrat senga toʻgʻri yoʻlni koʻrsatadilar.

2

Muhammad ota olamdan o'tibdi. Xudoy-berdi uyni sotmoqchi bo'libdi. "Otam, uyni sotadigan bo'lsang, Navoiyning oldidan o't, degan edi. U qanday yo'l ko'rsatar ekan", debdi-da, shoirning huzuriga kelibdi. Navoiyga maqsadini aytibdi. Shunda Navoiy:

Yaxshi. Ammo tandiring biroz eski.
Buzib, yangisini qur. Uyning narxi oshadi, – debdi.

Xudoyberdi uyiga kelib, tandiriga qarasa, haqiqatan ham tandir juda eski emish. "Navoiy toʻgʻri aytdi", – debdi-da, tandirni



buzibdi. Tandirfurushdan tandir sotib olibdida, orqaga qaytibdi. Yoʻlda charchab, dam olmoqchi boʻlibdi. Shunda tandir yerga qattiq tegib, sinib ketibdi. Xudoyberdi orqaga qaytib, ustadan yana bitta tandir sotib olibdi. Uyiga yetay deganda uni ham sindirib qoʻyibdi. Bir ilojini qilib, uchinchi tandirni uyiga olib kelibdi-da, eskisining oʻrniga quribdi. Ustiga koʻp loy bostirib yuborgan ekan, ertalab qarasa, tandir tushib yotgan emish. Xudoyberdining jahli chiqib: "Navoiy nega meni bunchalik ovora qildi?" – debdi-da, shoirnikiga yoʻl olibdi.

- Hazrat, debdi Xudoyberdi Navoiyga qarab, – tandirni qurolmadim. Mayli, arzonroq bo'lsa ham uyni tandirsiz sotaveraman.
- Soʻzimni eshit, debdi Navoiy. Birgina tandirni eplab qurolmaysan, ammo uyni sotmoqchi boʻlasan. Uyingni sotib qoʻyib, yangisini qura olmay, koʻchada qolib ketishni oʻylamadingmi? Bor, hunar oʻrgan, ishla, uying ham yonga qoladi, tirikchiliging ham oʻtadi...

Navoiyning dono soʻzlariga tan bergan Xudoyberdi hunar oʻrganib, yaxshi kun kechira boshlabdi.



- 1. Rivoyat nima haqida?
  - 2. Muhammad ota nima uchun Navoiyning oldiga keldi?
  - 3. Rivoyatni oʻqiganda koʻz oldingizda nimalar namoyon boʻldi?
  - 4. Alisher Navoiy to'g'ri yo'l tutdimi?



Ra'no Ravshandan ranjidimi, Ravshan Ra'nodan ranjidimi?



Qizigan bir kemam bor, Toʻxtovsiz borib-kelar. Borib-kelgani sari Toʻlqinlarni tekislar.







### OZOD VATAN - OBOD VATAN

### Normurod Narzullayev

Bu dunyoda chamanlar koʻp, Bu dunyoda vatanlar koʻp, Barchasida yashnar gullar, Barchasida yayrar dillar.

Chorlar ezgu yoʻllar meni, Ajdodlarim qoʻllar meni. Bu Vatanda toʻkmasman yosh, Bu Vatanda egmasman bosh.

Sahrolar gul ochar senda, Samolar nur sochar senda. Yulduzlaring soʻnmasin hech, Bagʻringga gʻam qoʻnmasin hech.

Mening uchun aziz bo'ston – O'zbekiston, O'zbekiston!



- 1. She'r qaysi diyor haqida?
- 2. She'rni oʻqiganingizda koʻz oldingizga nimalar keldi?
  - 3. O'zbekiston haqida yana qanday she'rlarni bilasiz?



Otini ayagan yoʻlda qolmas, Elini ayagan — choʻlda.



Kelib ketar bir yilda, To'rt og'ayni har xilda.





### MA'NAVIYATLI XALQNI YENGIB BO'LMAYDI

(Rivoyat)

Qadim o'tgan zamonda bir qudratli xon bizning xalqimizni oʻziga boʻysundirishga ahd qilibdi. U son-sanoqsiz askarlarini chegaramizga keltirib qoʻyibdi. Soʻng bir necha kishini qoshiga chorlab:

Bilib kelinglar-chi, ularning qancha kuchi bor ekan? - debdi.

Soʻng xon oʻz huzuriga vazirlarini, sarkardalarini chaqirtirib:

- Xo'sh, nima gap? Qani, gapiringlarchi! - debdi.
- Biz juda koʻp joylarda boʻldik, debdi ulardan biri. – Bir gal katta ziyofatning



ustidan chiqib qoldik. Xalqning hukmdori ham oʻsha yerda edi. Ziyofat avjiga chiqqan pallada oʻtovga doʻmbira ushlagan oʻn olti yoshlar chamasidagi oʻsmir kirib keldi. Toʻrda oʻtirgan hukmdor nariroq siljib, haligi bolaga yonidan joy berdi. Biz bunday holdan hayron boʻlib: "Bir yosh bolaga namuncha izzat-ikrom koʻrsatilmasa?!" — deb soʻradik yonimizdagilardan. "Axir u bizning shoirimiz-ku!" — deb gʻurur bilan javob qaytarishdi ular.

 Agar ularning hukmdori shu darajada ahmoq boʻlsa, demak, biz ularni oson yengishimiz mumkin! – debdi buni eshitgan sarkarda koʻzlari chaqnab.

Shu paytgacha miq etmay o'tirgan xon sarkardaga boshdan oyog sinchkovlik bilan nazar tashlabdi-da:

- Yoʻq! debdi. Askarlarni orgaga qaytaring! O'zining ma'naviy boyligini bu qadar e'zozlaydigan, madaniyati yuksak taraggiy etgan xalgni aslo yengib bo'lmaydi.
- 1. Rivoyat nima haqida ekan?
- 2. Xon nega jang qilishdan voz kechdi?
  - 3. Qanday xalqni yengib bo'lmas ekan?



🎙 Aqlli kengash qilar, Ahmoq - urush.





### **BOLAJON HAYAJONI**





Qayon borsam: yangilik, Boshim aylanib ketdi. Shahrimni taniyolmay, Yuraqim o'vnab ketdi.

Shu yaqin oralarda Toshkentni kezmabman-da?! Shuncha saroy o'sganin Koʻrmabman, sezmabman-da! Bu yangi oq qasrlar Qaysi oyda yuksalgan? Mana bu elektrovoz Qachon kelgan vokzalga?


Navoiy koʻchamizni Goʻzal qilibmiz buncha! "Spark" degan mashinalar Koʻpayibdi-ya shuncha!

> Shu Vatan menikidir Yuksalguvchi samoga. Tanitgayman men endi Yurtim nomin dunyoga.






- 1. She'rda Toshkentdagi qanday o'zga-rishlar haqida aytilgan?
- 2. Siz yashaydigan joyda qanday oʻzgarishlar boʻlyapti?











### "AFROSIYOB" — TEZYURAR POYEZD



Erkin Malik

Sherzod dadasi bilan tezyurar poyezdda Samarqandga boradigan boʻldi. U shunday quvondiki, asti qoʻyaverasiz. Poyezd haqida koʻp eshitgan, televizorda koʻrgan, ammo chiqmagan edi. Poyezd Toshkent vokzalida savlat toʻkib turardi. Koʻrinishi bir qarashda yaxlit Oʻzbekiston bayrogʻini eslatardi. Oʻrdakburun tumshugʻi havo qarshiligini yengishga yordam berarkan.

Vagonning ichi shinamgina uyga oʻx-shardi. Yumshoq oʻrindiqlar oldida esa stollar qoʻyilgan. Ularda gazeta-jurnallar bor. Dadasi bu poyezd Ispaniyada tayyorlanganini aytdi. Birdan deraza orqasidagi manzara chaplashib ketdi.

- lye, dada, tashqaridagi uylar, daraxtlar
  qani? hayron boʻldi Sherzod.
- Poyezd yurib ketdi-ku, bilmadingmi?
   Qani koʻraylik-chi, oʻhhoʻ, tezligi soatiga ikki yuz kilometrga yetibdi. Bu tezlikda

tashqaridagi narsalarni koʻzimiz ilgʻay olmaydi-da, oʻgʻlim.

- Ha, goʻyo biz bir joyda turibmiz, yer aylanyapti,
   dedi Sherzod hayajonlanib.
   Dada, bunaqa tezlikda haydovchi oldidan biron narsa chiqib qolsa, nima qiladi?
- Xavotir olma, yoʻlning ikki chekkasi panjara bilan toʻsilgan.

Samarqandga yetib kelishdi. Shahardagi qadimiy obidalarni tomosha qilib, kechga tomon Toshkentga qaytishdi. Sherzodning taassurotlari bir olam edi.



- 1. Sherzod qanday poyezdda sayohatga chiqdi?
- 2. Poyezd haqida nimalarni bilib oldingiz?



Matnni reja asosida qayta hikoya qiling:

- 🔰 1. Sherzodning dam olish kuni.
  - 2. Sherzod poyezdda.
  - 3. Poyezdning tezligi.



Guli yoʻq boʻstondan yaproq yaxshi, Foydasi yoʻq yoʻldoshdan tayoq yaxshi.



Choʻzilib yotar narvon, Undan oʻtar uy-karvon.





### O'ZBEKISTONIM

Anvar Obidion

Aziz o'lkam, o'zing ko'rkam, Chinorlaring bizdek o'ktam. Tosh ham gullar tuprog'ingda, Mehring gaynar bulog'ingda.

Qo'li ochiq bog'laring ko'p, G'aznaga kon tog'laring ko'p. Yashnamoqda qishloq, shahring, Yaxshilikka to'liq bag'ring.

Osmoningdan, o'tlog'ingdan, Paxtaoydek oppog'ingdan Rang olgandir bayrog'ing ham, Aziz o'lkam, o'zing ko'rkam!



- 1. She'rda O'zbekiston qanday tasvirlangan?
- 2. She'rda O'zbekiston bog'lari va tog'lari haqida nimalar deyilgan?
- 3. She'rdan tabiat tasvirini topib o'qing.



Erkin egatga ekin ekdi.



Yuk koʻtarar burnida, Uy qurish bor boʻynida.







### **SUV OQSIN OROLGA**

G'ani Abdullayev

- Oyi, Orol degan dengiz bor ekan-a?
- Bor, nima edi?
- Suvsirab yigʻlayotganmish-a? Tuzlari esa shamolda atrofga toʻzgʻiyotganmish.
  - Gaplaring g'alati-ya. Kimdan eshitding?
- Oʻqituvchimizdan. Bekor oqayotgan toza suvlar tejalsa, yaxshi boʻlarkan. Daryo toʻlib oqsa, suvi dengizga yetib borarkan. Shu rostmi?
- Rostlikka rost-ku, bunga koʻproq kattalar qaygʻurishi kerak... Choyingni ichginda, buzoqchangni boqib kel.

Buzoqchasini yetaklab borayotgan Nodirning qoʻlida jajji ketmoncha, xayoli esa oqqushlardek parvozda.

U buzoqchasini o'tloqqa qo'ydi-da, sigirini o'tlatib yurgan Sadirni chaqirdi.

- Mana bu suvni gara, bekorga jarga oqyapti. Ariq qazib, soyga buramiz.
  - Nega endi? hayron bo'ldi Sadir.
- Shunday qilsak, suv tejalib, daryoda koʻprog suv goladi. Daryo esa Orolga guyiladi. Orol esa suvga zor.

Ikkovlon galma-gal ishlab, ketmonchani bo'sh qo'yishmadi.

- Yashavor, ogʻayni. Suvni yangi ariqchaga ochadigan boʻldik, - guvonib ketdi Nodir.
- Ochmay tur. Iflosligini gara, shaldirab oqayotgan suvga nazar soldi sinfdoshi. Daryodagi baliqlarni kasal qilsa...
- Toʻgʻriku-ya, suvni tozalash qiyinov. Koʻpchilik unga yomon narsalarni tashlagani-tashlagan, - dedi Nodir.
- Bundan keyin suvni kim iflos qilsa, kattalarga aytamiz. Jazosini berishadi.
  - Bo'pti.

Ikki do'st suv toza bo'lgach, uni o'zlari gazigan arigchaga ochadigan bo'lishdi.



- 1. Orol dengizi haqida nimalarni bilasiz?
- 2. Nodir Orol dengizini qutqarish uchun nima qildi?

- 3. Orol dengiziga yana qanday yordam berish mumkin?
- 4. Siz ham suvni iflos qilmaysizmi? Uni tejaysizmi? Nima uchun?



Toma-toma koʻl boʻlar.



Uzoqdan boqdim: bir qora tosh, Yoniga borsam, toʻrt oyoq, bir bosh. (ebeqyso\_1)



### SHE'RIM SENGA, VATANIM

**Quddus Muhammadiy** 

Maqtaganda bulbul Sayrab chamanin, Men nechun maqtamay Ona Vatanim.

> Mustaqil Vatanning Men oʻgʻli erkin, Sevaman dunyoning Lazzatin, koʻrkin.

Mening Vatanimda Tugʻilgan inson Tabiiy ijodkor Boʻlar, begumon. Meni shoir etgan Shu havot doim. She'r yo'lin o'rgatgan Quyoshim, ovim.



- 1. She'rda Vatan haqida nima deyilgan?
- 1. Sile iua vatari riagiaa. 2. Siz Vataningizni nima uchun yaxshi ko'rasiz?
  - 3. Vatan haqida yana qanday she'rlar bilasiz?



Daraxtni yer ko'kartiradi, Odamni el ko'kartiradi.



Hech ham tinim bilmaydi, Lek joyidan jilmaydi.





### AJOYIB BAHS



Hidovat Olimova

O'rmonga o't ketibdi. O'rmon daraxtlari daryodan yordam so'rashibdi.

- Sen olovdan gudratlisan. Bizni gutgar. Daryo o'rmonni olovdan asrab qolibdi.
- Dunyoda undan kuchlirog narsa yoʻq. Hech narsa uning qudratiga teng kelolmaydi, - deb maqtovlar yogʻdirishibdi daraxtlar.

Quyosh nurlari mendan kuchliroq.
 U bir zabtiga olib yer-u koʻkni qizdirsa,
 biz bugʻga aylanib koʻkka koʻtarilamiz,
 debdi daryo.

Quyosh bu gaplarni eshitib: "Tun kelishi bilan mening hukmim o'tmay qoladi. Tun mendan kuchliroq", – deb tan olibdi. Ammo tun ham undan kuchliroq bo'lgan yer hukmiga bo'ysunishini aytibdi. Buni eshitgan yer e'tiroz bildiribdi:

- Ko'ksimni yorib togʻ o'sib chiqmoqda. Agar u mendan kuchli bo'lmaganida bunga uning haddi sigʻarmidi?
- Chindan ham togʻ metindek mustahkam. Balki eng kuchlisi togʻdir?! Kelinglar, uning oʻzidan soʻrab koʻramiz.

Togʻ bu bahs-u munozaralarni bir chetda jimgina kuzatib turgan ekan.

 Men-ku yumshoqqina yer bagʻrini yorib chiqqanman, – debdi u. – Ammo bagʻrimni yorib minglab gul-chechaklar oʻsib chiqmoqda. Demak, ular mendan qudratliroq boʻlsa kerak.



2

Tong yellarida nafis egilib chayqalayotgan gul-chechaklarga:  Ayting-chi, siz chindan ham dunyoda eng kuchlimisiz, hech narsadan qoʻrqmaysizmi? – deb savol berishibdi.

Shunda yashil toʻnli, qizil yonoqli bir gul ularning bahsiga shunday nuqta qoʻyibdi:

Daryo quyosh nurlaridan qoʻrqsa go'rgar, ammo biz go'rgmaymiz. Axir, biz quyosh nurlarini emib, ko'kka bo'y cho'zamiz. Quyosh tundan qo'rqsa qo'rqar, ammo biz undan ham aslo qo'rqmaymiz. Biz tun kirishi bilan orom ogʻushida dam olamiz. Tun yerdan qoʻrqsa qoʻrqar, ammo biz undan qoʻrqmaymiz. Axir, u bizning onamiz. Yer togʻdan qoʻrqsa qoʻrqar, ammo bu qo'rquv bizga begona. Tog' bagʻrini yorib quyoshga intilsak, aslo u bizdan ozor chekmasin. Gul-chechaklardan boshiga nafis ro'mol o'raymiz. Uni tomosha qilgani huv bulutlar pastlab o'tayotganini, qushlar esa atrofida chahchahlashib sayrashayotganini ko'ryapsizlarmi? Biz daryo va olov otashidan ham qo'rqmaymiz. Daryo suvlari bug'lanib, boshimizga yogʻmaganida, darrov qurib, xas-choʻpga aylanardik. Olovda yonmoq esa qismatimizda bor. Ko'rdingizmi, biz bir-birimizga ganchalar kerakmiz.



- 1. Sizningcha ertak qahramonlarining eng kuchlisi qaysi?
- 2. Agarda ulardan birortasi bo'lmasa, tabiatda qanday o'zgarishlar bo'ladi?




G'ani g'ildirakni g'izillatib g'ildiratdi.



Yorugʻi bor, dovrugʻi bor, lzi yoʻq, ovozi bor. (boxiplepemoM)





### **VAQTNING HAJMI QANCHA?**

Hamza Imonberdiyev

Oʻylab koʻrsam, vaqt degan Rezinali toʻrxalta, Neki solsang ichiga Sigʻaverar, zoʻr xalta. Masalan, bir soatda Nimalar qilish mumkin? Kitob, gazeta oʻqish, Samokat minish mumkin.

> Do'sting bilan urishib, Mumkin hatto yarashish. Tort yeyotgan ukangga "Yordamlashish", "qarashish".

Algʻov-dalgʻov qilib, soʻng Mumkin yigʻish uy ichin. Koʻchirish mumkin hatto Telefonda uy ishin.

> Harakat zoʻr boʻlsa, vaqt Rezinali toʻrxalta. Neki solsang ichiga Sigʻaverar, zoʻr xalta.



- She'rda vaqt nimaga o'xshatilyapti?
   Nima uchun?
- 2. Bir soat ichida nimalar qilish mumkin ekan?
- 3. Siz bir soat ichida qancha ishni qilishga ulgurasiz?
- 4. Vaqtdan toʻgʻri foydalanish uchun nima qilish kerak?




Vaqting ketdi – baxting ketdi.




### **BO'LIM YUZASIDAN TAKRORLASH**


1. Boshqotirmani yechsangiz, shu bo'limga oid so'z kelib chiqadi.



2. Rasmni daftaringizga chizib, bo'sh doi-rachalarni to'ldiring.



3. Mamlakatimizda ishlab chiqarilayotgan mashinalar nomlaridan foydalanib boshqotirmani yechsangiz, yerosti yoʻlining nomi kelib chiqadi.





- 1. Boʻlimdagi qaysi she'r yoki hikoya sizga yoqdi?
- 2. Siz qaysi hikoya qahramoniga oʻxshashni xohlar edingiz? Nima uchun?
- 3. Vatan haqida nimalarni bilib oldingiz?



Quyidagi soʻzlar boʻlimdagi qaysi hikoya yoki she'rga taalluqli ekanini toping: Vatan, Toshkent, ma'naviyat, Orol, poyezd, bahs, vaqt.





### **MAKTAB**

Umida Abduazimova

Tashnadirman ilmga, Yurarman seni maqtab. Nur toʻshading yoʻlimga, Qadrdon ona maktab. Mehring bilan yosh yurak Toʻlib-toshar limmo-lim. Boʻlsam bilimdon, ziyrak, Yulduzga yetar qoʻlim.

Kitobimning har satrin Oʻqirkanman, dil choʻgʻdir. Dunyoda bilimdan zoʻr, Qudratli qurol yoʻqdir!



She'rni o'qiganda nimalar ko'z oldingizga keldi?



- She'rdagi: "Bo'lsam bilimdon, ziyrak, Yulduzga yetar qo'lim", – degan fikrni izohlab bering.
- 2. Maktabingiz haqida soʻzlab bering.



Oltin yerda qolsa ham, Bilimli yoʻlda qolmas.



Safda oʻn ikki askar, Boʻyu basti barobar. Yoʻnsang yogʻoch poʻstini, Rasmlarga rang berar.





### **ILM**

### Abdulla Avloniy

Ilm deb oʻqimoq, yozmoqni yaxshi bilmoq, har bir kerakli narsalarni oʻrganmoqqa aytilur. Ilm – dunyoning izzati. Ilm inson uchun gʻoyat oliy va muqaddas bir fazilatdir. Zero, ilm bizga oʻz ahvolimizni, harakatimizni oyna kabi koʻrsatadi. Zehnimizni, fikrimizni oʻtkir qiladi. Ilmsiz inson mevasiz daraxt kabidir. Ilmning foydasi shu qadar koʻpdirki, ta'rif qilgan bilan ado qilib boʻlmaydi. Bizlarni ilm jaholat qorongʻiligʻidan qutqaradi.

Madaniyat insoniyatni ma'rifat dunyosiga chiqaradi. Yomon fe'llardan, buzuq ishlardan qaytaradi, yaxshi xulq va odob sohibi qiladi.

Xulosa qilib aytganda, butun hayotimiz – salomatligimiz, baxtimiz, gʻayratimiz ilmga bogʻliqdir.



- 1. Ilm insonga qanday yordam beradi?
- 2. Ilmsiz inson nimaga o'xshar ekan?
- 3. Ilmni qanday egallash mumkin?



Ilmli ming yashar, ilmsiz bir yashar.



Oydin oyni oynadan koʻrdi.







### **UYG'ON**

Mirtemir

Uygʻon, erkam, koʻzing och, Tong yoydi zarrin quloch. Bosh ustingda aylanib, Uchib oʻtdi qaldirgʻoch.

> Allaqachon botdi oy, Tur, yotmagil, erkatoy. Qanot yozib osmonda, Kuy boshladi boʻztoʻrgʻay.

Uygʻon, erkam, tur, erkam, Koʻz sol, olamga – koʻrkam! Sen uchun bogʻcha, bogʻlar, Olamlar bermish oʻlkam! Uya'on, go'zim, yuzing yuv, Tong o'zingday sof, suluv... Shoshil, erkam, maktabda Kutadi seni o'quv!



- 1. She'r kimning nomidan aytilgan?
- 2. Nima uchun erta turish kerak ekan?



Erta turib tong otishini kuzating. Koʻrganlaringizni o'rtoglaringizga so'zlab bering.



Tongda qilsang harakat, Ishingda bo'lar barakat.



Ergash Erkinga ergashdimi. Erkin Ergashga ergashdimi?



Borar bir, kelar bir, Baribir qo'shig'i: "G'ir-g'ir..."



### Topishmog nima?

Topishmoq – xalq ogʻzaki ijodining o'yin turlaridan biri. Topishmoqda topilishi kerak bo'lgan narsa, hodisalar o'xshatmalar orgali beriladi. Siz shu o'xshatmalardan uning nima ekanligini oson topasiz.





# 0

### **MUKOFOT**

### Ne'mat Toshpo'lat

Bir bor ekan, bir yoʻq ekan, kattakon oʻrmonda qayragʻochlar ostida bir maktab bor ekan. Unda Moshvoy ismli mushukcha, Qagʻ-qagʻ ismli qargʻacha, Dik-dik ismli quyoncha, ismi Chiy-chiy sichqoncha, Pi-pi ismli maymuncha, Xir-xir ismli choʻchqacha va boshqalar oʻqishar ekan.

Oʻqish boshlangan kuni Tovusxon ismli juda xushfe'l, muloyim bir oʻqituvchi ularga kitob va daftarlar ulashibdi. Kitoblaringizni yirtmasdan, yaxshi saqlanglar. Bu kitoblarni sizdan keyin ukalaringiz ham oʻqishadi, – debdi va ta'kidlab yana qoʻshib qoʻyibdi: – Kimki kitobini yaxshi saqlasa, oʻquv yili oxirida oʻshanga mukofot ham beramiz.

Ular kitob va daftarlarni sevinib-sevinib olib ketishibdi. Oradan koʻp oʻtmabdi. Bir kuni Chiy-chiy Pi-piga maqtanib:

Muqovasini yeb koʻrsam, biram mazaliki,
debdi kitobini koʻrsatib.

Pi-pi ham shunaqamikan-a, deb kitobning muqovasini qiyma-qiyma qilibdi.

Ularni kuzatib turgan Xir-xir ham maqtanib qolibdi:

 Kitobda piyoz, sholgʻom, kartoshka surati bor ekan, hammasini yedim.

Pi-pi ham qiziqib ketib, kitobdagi jami suratlarni yeb chiqibdi. Qagʻ-qagʻ ham boʻsh kelmabdi. Olcha, gilos, olma, yongʻoq rasmlarini choʻqib, kitobni ilma-teshik qilib tashlabdi.

Oʻquv yili tugashi bilanoq Tovusxon oʻquvchilardan kitoblarni birma-bir yigʻib olibdi. U Chiy-chiy bilan Pi-pidan ham, Xir-xir bilan Qagʻ-qagʻdan ham juda-juda xafa boʻlibdi. Ammo Moshvoy bilan Dik-

dikdan xursand boʻlibdi. Chunki ular kitoblarini yirtmay, kir qilmay, ozoda saqlagan, yaxshi tutishgan ekan.

Tovusxon Dik-dikka bitta sabzi, Moshvoyga esa issiqqina boʻgʻirsoq mukofot beribdi va suratlarini namunalilar qatoriga ilib qoʻyibdi.



- 1. Hikoya qahramonlaridan kimlar notoʻgʻri ish qilishdi?
- 2. Tovusxon Dik-dik va Moshvoyga nima uchun mukofot berdi?
- 3. Siz kitoblaringizni qanday saqlaysiz?



Hikoya qahramonlarining kitobga munosabatlariga baho bering.



O'qiganning o'qi o'zibdi.



Sardor sabzini savatga soldimi, Sardor sabzini savatdan oldimi?



#### **ONA TILIM**

Vafo Fayzulloh

Bobolar hikmat bilgan, Ardoqlab lugʻat qilgan, Qolishmas hech bir tildan, Chiroyli qizil guldan. Yayraydi hardam dilim, Sen sabab. ona tilim. Navoiy ulgʻaytirdi, Qodiriy koʻzga surdi. Sayroqi bulbul kuyi, Anvoyi gullar boʻyi Sendadir, ona tilim, Yayraydi hardam dilim.



- 1. She'rda ona tilimiz haqida nima deyilgan?
- 2. Nima uchun "ona tilim" deymiz?
- 3. She'rda buyuk bobokalonlarimiz haqida nima deyilgan?



Tilni bilish - elni bilish.



Oʻrtogʻim – ruchka, qalam, Bir chiziq, katak – dalam.





#### SAYOQ BOLA

Rauf Tolib

#### 1

Bir bor ekan, bir yoʻq ekan, bir Tuflijon boʻlgan ekan. Oʻsha Tuflijon-chi, men boʻlaman. Tojivoy meni kiyvolib, sevinchdan oʻyinga tushganini koʻrsangiz. U burni tanqaygancha koʻchaga chiqdi. Aksiga olib, koʻchada pashsha ham koʻrinmasaya? Tojivoy uch-toʻrt kun hurmatimni joyiga qoʻydi-yu...

Tojivoy bilan bugun maktabga yoʻl oldim. Qoʻngʻiroq chalinib, dars boshlandi. Oʻqituvchi jon kuydirib gapiryapti-yu, Tojivoy oʻrtoqlari bilan pichirlashib oʻtiribdi. Mening ham bitta-yarimta bilan gaplashgim keldi. Qarasam, yonginamda qoʻshni Tufli turibdi.

- Salom, dedim sekin unga.
- Salom, dedi u ham.
- Bugun qayoqqa borasizlar?
- Tushdan keyin toʻgarakka boramiz. Xoʻsh, oʻzing-chi?
  - Bilmasam.

Shu payt tanaffusga qoʻngʻiroq chalinib qoldi. Dars tugaganiga achinib ketdim. Axir, maza qilib dam olayotgan edim-da.





Uyga kelgach, Tojivoy papkasini uloqtirib yubordi. Ko'chaga chiqdik. O'nqir-cho'nqir, shag'alli maydondan yurib ketdim. Har qadamda yuzimni toshlarga urib olaman. Shu payt oldimizdan kattakon ko'lmak chiqib qolsa bo'ladimi?! Tojivoy bir sakragan edi, uning qoq oʻrtasiga kelib tushdik. Suvdan shalvirab chiadim. Yuzim lov. iflos.

4

Mana, bugun yana darsda o'tiribman. Dars sira tugamasa, deyman. Sababi tinchman. Darsdan kevin to'g'ri vo'l golib, yana qurilish maydoni tomon yurdik. Falokat oyog ostida, deganlari rost ekan. Nimagadir qoqilib, Tojivoy yuztuban yiqildi. Tizzalari shilingan, voyvoylab o'rnidan turolmay qoldi. Ajab bo'ldi. Sayoq yurgan tavog vevdi, deb shunga avtsalar kerakda!



- 1. Hikoya kimning tilidan aytilgan?
- 2. U nima uchun Tojivoydan xafa boʻldi?
  - 3. Hikoyadan qanday saboq oldingiz?
  - 4. Siz Tojivoyning harakatlariga ganday baho berasiz?



Hikoyaning qismlariga sarlavha qo'ying va gayta hikoya qiling.



Yaxshi yaxshiga yondashtirar, Yomon – yoʻldan adashtirar.



Bogʻlasam, yuradi, Yechsam, to'xtaydi.







# YODLASAM BO'LMASMIDI?

Kavsar Turdiyeva

Shu kichkina she'rchani Yodlasam boʻlmasmidi? Hozirgidek yuragim Poʻkillab urmas edi.

> O, qani endi nogahon Oʻngidan kelsa tushim. Xuddi tushimdagidek Birdan yoʻqotsam hushim.

Jimgina najot kutib Yotardim "Tez yordam"dan. She'rni kim ham soʻrardi Kasal yotgan odamdan.

> Yoki oʻqituvchimiz Bizga rahm qilsalar. Vazifani topshirib, Uyga javob bersalar.

Xayolimni qoʻngʻiroq Chil-chil qilib tashladi. Oʻqituvchi kiriboq, She'rni soʻray boshladi.



- She'rdagi o'quvchi nima uchun xayol surib qoldi?
- 2. She'r qahramoni o'rnida siz bo'lsangiz nima qilar edingiz?
- 3. Ushbu she'r qahramoni bilan "Sayoq bola" hikoyasidagi Tojivoy nimasi bilan o'xshash?



She'r qahramonining xayollariga oid misralarni topib o'qing.



Yaxshi bo'lsang, o'zarsan, Yomon bo'lsang, to'zarsan.



Taxtapulda taxta koʻprik, Oltinsoyda osma koʻprik.







# **ILK SABOQ**

Raim Farhodiy

Bugun rosa shodlandik, Maktab tomon otlandik. Ostonadan hatlaymiz, Darsda she'rlar yodlaymiz.

> Ilm olib behisob, Oʻqiymiz qancha kitob. Aql-idrok bulogʻi, Oʻquvchining oʻrtogʻi.

Yordam ayamas har on, Ustoz – eng aziz inson. Ustozga biz havasda, Taqdim etdik guldasta. Bo'ldi rangin kamalak, Ustozga aytdik tilak. Jaranglasin qoʻngʻiroq, Darslar boshlansin tezroq!



- 1. She'r kimlar haqida?2. Siz maktab va ustoz haqida yana nima deva olasiz?



- 1. She'rdan ustozlar haqidagi bandni topib o'ging.
- 2. Ustozlar haqidagi maqollardan ayting.



Ogdir dalasi, goradir urugʻi, Qo'l bilan ekiladi, ko'z bilan o'riladi.

(Kitob)





# **ENG YAQIN DO'STIMIZ**



Kitobni oftobga qiyos etishlari bejiz emas. Kitob dillarni uygʻotib, munavvar qilish bilan birga hayot, mavjudot sirlaridan voqif etuvchi bebaho xazina. U koʻngillarga ezgulik urugʻini sepib, yashashdan saboq beradi. Qiyinchiliklarni venga olishga, vaxshilik bilan vomonlikni ajrata bilishni oʻrgatadi. Kitob zehnlarni peshlab, bilimlar koniga eshik ochadi, ma'naviyatni boyitadi. Insonning jamiyatdagi mavqeyi, qadr-u qimmati bilimda, ilmlar konini egallashdadir. Buyuk mutafakkirlarning hayoti, tajribasi shunga guvohlik beradi. Ulugʻ alloma Abdurahmon Jomiy: "Kitobdan yaxshiroq doʻst yoʻq jahonda, Hamrohing boʻlur u gʻamli zamonda", deya kitobni behad ulugʻlagan ekan.

Bolalik, yoshlik oltin davr boʻlsa, uning har kuni, har soatini gʻanimat sezib, bilim boyliklarini qancha koʻp gʻamlasangiz, shuncha kelajak turmushda oʻzingizga ham, oʻzgalarga ham asqatadi.



- 1. Kitob insonlarga nima beradi?
- 2. Kitob haqida yana nimalarni bilasiz?
  - 3. Siz bo'sh vaqtingizda kitob o'qiysizmi? Qanday kitoblar o'qiqansiz?



Kitob bilim beradi, Bilim baxt keltiradi.



Kitoblar kitobxonlarga kerak, Kitobxonlar kitoblarga kerak.




Qoʻshigʻi asli "qu-qu", Tongni qarshi olar u. Koʻzdan qochsin deb uyqu, Jar soluvchi soʻzi shu.






# **BO'LIM YUZASIDAN TAKRORLASH**


1. Boʻgʻinlarni toʻgʻri birlashtirsangiz, kitob haqidagi maqol hosil boʻladi.




2. Boshqotirmaga oʻquv qurollari va jihozlar nomlarini toʻgʻri joylashtirsangiz, kalit soʻz kelib chiqadi.



3. Rebusni toʻgʻri yechsangiz, bilimga doir maqol hosil boʻladi.



4. Oʻquvchiga maktabga borish yoʻlini topishga yordamlashib, ilmga doir maqolni oʻqiysiz.



- ?
- 1. Boʻlimda qanday she'r va hikoyalarni oʻrgandingiz?
- 2. "Mukofot" hikoyasidagi qahramonlarni sanab bering. Ularning qaysi biri to'g'ri ish qildi?
- 3. "Sayoq bola" hikoyasi va "Yodlasam boʻlmasmidi?" she'ridagi qahramonlarga baho bering.



# **OLTIN KUZ**

Tursunboy Adashboyev

Yana xazonrezgilik, Bogʻlar rangi siniqdi. Dilda hokim ezgulik, Anhorda suv tiniqdi.

Yashil libos daraxtlar Taqdi yana zar baldoq. Qushlarga gap tayinlab, Chagʻchagʻlaydi zargʻaldoq.

Ufq orti lolagun, Daraxtlardan rang olar. Xayrlashib kuz bugun, Sochar oltin tangalar.



- 1. She'r qaysi fasl haqida ekan?
- 2. Shoir: "Xayrlashib kuz bugun, Sochar oltin tangalar", deganda nima haqida oʻylagan?
  - 3. Kuz faslida tabiatda qanday oʻzgarishlar boʻladi?



Kuzning bir kuni qishning bir oyini boqar.



Olma shoxida olmaxon, Olmani olma, Olmaxon.



Qat-qat toʻnli bu polvon, Archib, yigʻladi Javlon.





# **KUZ**



# Qutlibeka Rahimboyeva

Daraxtlarning yaproqlari tillarangga kira boshlaydi. Ertalab va kechki shabadada ular zarqanot qushchalarga oʻxshab uchadilar. Yoz boʻyi shovqin solib, ba'zi joylarda loyqalanib oqqan suvlar sokinlashadi, tiniq tortadi.


1-sentabr – kuzning birinchi kuni. 1-sentabr eng katta bayramlarimizdan biri – Mustaqillik kuni. Bu ulugʻ shodiyona 31-avgust – yozning soʻnggi kunidan boshlab bayram qilina boshlaydi. Bayram sayillari poytaxtimizdagi Milliy bogʻdan boshlanib, shahar-u qishloqlarimizda davom etadi. 2-sentabr kuni yangi oʻquv yili boshlanadi va shu kuni Bilimlar kuni ham nishonlanadi.


Kuz Oʻzbekistonimiz uchun pishiqchilik fasli hisoblanadi. Dalalarda paxtalar oppoq boʻlib ochiladi. Kuzda olma, behi, yongʻoqlar pishadi. Tunlari bogʻlarda "toʻptoʻp" qilib birovlar yurib chiqayotgandek tuyuladi. Bu — daraxtlardan uzilayotgan mevalar tovushi. Shamollar xuddi "K-u-u-z", deya uzun nafas chiqarib, bogʻdan bogʻga yelib yurgandek tuyuladi. Polizlarda sabzavotlar yetiladi. Erta koʻklamda koʻkka argʻimchoq solib uchib kelgan turnalar yana oʻshanday chiroyli bir saf bilan issiq oʻlkalarga uchib ketishadi.

Kuz oʻrtalarida oʻlkamizda Mehrjon bayrami nishonlanadi. Bu dalalarimizda yetishtirilgan moʻl-koʻl hosil bayramidir.



- 🗾 1. Kuzda tabiatni kuzatganmisiz?
- 2. Kuzda qaysi rang koʻp uchraydi?









# **KUZ FASLI**

**Eson Rahimov** 

Davra qurib turnalar, Boshimizda aylanar. Budir kuz fasli bazmi, Ona yerga ta'zimi.

> Oltin fasl – kuz fasli, Zarshunoslikdir asli. Undan qirlar, togʻ – oltin, Undan yerlar, bogʻ – oltin.

Mevalar ham moʻl-u koʻl, Ne yesang ham bol yeysan, Kuzga: "Ofarin", – deysan. Bunday oltinligin ham, Tengsiz totliligin ham Aytsam bitmas siri bor: Unda mehnat teri bor.



- 1. She'rda kuz fasli nima uchun "oltin fasl" deyilgan?
- 2. Kuz faslida qanday mevalar pishadi?



Dala va bogʻlarda kuz faslida bajariladigan yumushlar haqida soʻzlab bering.



Kuzning qozoni quyuq qaynar.



Shirin sharbatning shirasi shakardan shirin.

Daraxtlarning barglari Rang olar oltin misol. Qay faslda, ayt, Muslim, Yuz beradi shunday hol?!

(zny)



# **BARGLAR NEGA SARG'AYADI?**



Muhabbat O'rinboy qizi

1

Kuz keldi. Tipratikan odatdagidek ertalab inidan chiqdi. Shu payt ustiga bir dona barg tushdi. Tipratikan olib qarasa, bargning rangi sap-sariq ekan. U boshini koʻtarib daraxtlarga qaradi. Daraxtlar-

ning u yer-bu yerida sariq barglar paydo boʻlibdi. Kechagi kungacha daraxtda sariq barg yoʻq edi. "Qiziq, barglar nega sargʻayar ekan-a?" – deb oʻyladi tipratikan.

Savoliga javob topish niyatida bargni ignasiga ilib oldi-da, oʻrmon boʻylab ketdi. Yoʻlda unga olmaxon uchradi. U qish uchun yongʻoq yigʻib yurgan ekan.

- Olmaxon, sen bilmaysanmi, kuzda barglar nega sarg'ayadi? – so'radi tipratikan.
- Kuzda ular kasal boʻladi, shuning uchun sargʻayadi,
  dedi olmaxon.
- Nega kasal bo'ladi? Qara, u kasalga o'xshamaydi, – dedi tipratikan.
- Nega kasal bo'lmasin? Sovuqda barglar tugul men ham kasal bo'lib qolaman, o'shanda mening ham rangim sarg'ayib ketadi, – dedi olmaxon.

Olmaxonning javobi tipratikanga yoqmadi. U bargni ignalariga ilib, yoʻlida davom etdi. Yoʻlda oldidan tulki chiqdi.

- Tulkivoy, sen bilmaysanmi, nega kuzda barglar sargʻayadi? – soʻradi tipratikan.
- Bilaman, kuzda menga ov qilish oson boʻlishi uchun. Mening rangim ustingdagi

bargning rangiga o'xshaydi. Shunga bekinishim oson boʻladi, - dedi tulki. Tipratikan biroz o'ylanib turdi, lekin bu javob ham unga yogmadi.

Barglar sen uchun sarg'ayadi, deb oʻylamayman, - dedi tipratikan va yoʻlida davom etdi.



2

Yurib-yurib katta bir daraxt tagiga yetganida yuqoridan:

- Kirpivoy, yo'l bo'lsin, degan ovoz eshitildi. Tipratikan boshini ko'tarib garasa, ukki o'tirgan ekan. Tipratikan unga qarab dedi:
  - Ukki, kuzda barglar nega sarg'ayadi?

- Men hamma narsani bilaman, - dedi

ukki. - Ustingdagi barg koʻrinishidan oddiy boʻlsa ham, juda murakkab, u go'yo bizning o'rmonga o'xshaydi. Bargning sirtida son-sanogsiz mayda inlar bor. U inlarda pigmentlar deb ataluvchi mavjudotlar yashaydi. Ularning ayrimlari yashil, ayrimlari esa sariq rangda. Yozda yashil,



kuzda esa sariq pigmentlar inidan chiqadi. Shunda bargning rangi goh yashil, goh sariq boʻlib koʻrinadi, – dedi ukki va aqlli javobidan mamnun boʻlib, kerishib qoʻydi.

Tipratikan uning oldidan ketar ekan, o'y-ladi: "Ukkining javobi to'g'riligiga shubham yo'q, lekin men boshqacha fikrdaman. Kuzda quyosh bulutlar orqasiga yashirinib, kam ko'rinadi. Quyoshni sog'ingan barglar esa sariq rangga kirib, xuddi quyosh tushib turgandek o'rmonni sariq rangga bo'yaydi. Mana shu javob menga ko'proq yoqyapti". U savoliga o'zi javob topganiga xursand bo'ldi.



- 1. Ertak qahramoni tipratikan qanday hodisaga duch keldi?
- 2. U savoliga javob topish uchun kimlar bilan uchrashdi?



"Atrofimizdagi olam" darsidan olgan bilimlaringiz asosida kimning javobi toʻgʻriligini aniqlang.



Nima eksang, shuni o'rasan.



Xavf boʻlsa, koptok boʻlib, Igna koʻrpa yopadi. Zumda koʻz ochib turib, Ilgarilab chopadi.






# **BO'LIM YUZASIDAN TAKRORLASH**

1. Tushirib qoldirilgan soʻzni qoʻshib rebusni yechsangiz, shu boʻlimning nomi kelib chiqadi.

2. Boshqotirmani to'g'ri yechsangiz, kuzgi hosil bayramining nomi kelib chiqadi.



- 1. Kuzda tabiatda qanday oʻzgarishlar boʻladi?
  - 2. Bo'limdagi qaysi she'r yoki hikoya sizga yoqdi? Nima uchun?
  - 3. Kuzda barglar nega sarg'ayadi?







# **ODAM BO'LAMAN**

Anvar Obidjon

Kezaman koʻp joylarni Moy tomchigan kiyimda. Ba'zan kitob titkilab, Dam olaman uyimda. Men shofyor boʻlaman, dada! – Mayli...



Halinchakda akamdan Ancha baland uchaman. Katta boʻlsam, yaxshisi, Borib oyni quchaman. Men fazogir boʻlaman, dada...

Ixtiyoring...

Chalgʻitaman maydonda Bolalarning koʻpini. Kecha bitta tepishda Teshdim Norning to'pini.

Men futbolchi bo'laman, dada!

– O'h-ho'...


Kesvolibdi barmogʻin Oʻtgan kuni Mira'zam. Qotib qoldi yarasi Jindekkina tuz sepsam. Men doʻxtir boʻlaman, dada! – Yomonmas...





Tagʻin oʻylab koʻraman, Hammasi ham yaxshi ish. Faqat yalqov boʻlmayman, Hecham tortmang siz tashvish. Men... odam boʻlaman, dada! – Balli, azamat!



- 1. She'r qahramoni kelajakda kim bo'l-moqchi?
- 2. She'rda qaysi kasblar haqida aytilgan?
- 3. Siz kelajakda kim boʻlmoqchisiz?









# 0

# **KEKSA KULOL VA SHOGIRD**

**Qudrat Hikmat** 

Bir moʻysafid kulolning uyiga oʻgʻlini boshlab kelibdi. Unga hunar oʻrgatishni iltimos qilibdi. Kulol rozi boʻlibdi.

Shogird kulolnikida soz tuproq qazibdi, suv tashibdi, loy qilibdi, oʻchoqqa oʻt qalabdi. Xullas, uning aytganlarini bajo keltirib yuribdi.

Oradan bir necha qish-u yoz oʻtibdi. Shogird: "Kulolchilikni miridan sirigacha bilib oldim, endi yugurdak boʻlib yuraman-mi?" – debdi-da, ustozidan javob soʻrabdi.

Kulol bo'lsa:

Oʻgʻlim, hunar injiq narsa, sabr-toqat
 qilib, yana biror yil menga qarashib,
 oʻrganib turganing ma'qul edi,
 debdi.

Shogirdning sabri chidamay, ustozini holi-joniga qoʻymay, fotihasini olibdi.

Katta bozorda doʻkon ochgan kunlari xaridorlar uning piyola, choynak, koʻzachalarini talashib olib ketishibdi. Ustozi boʻlsa: "Mayli, oxiri xayrli boʻlsin!" – deb oʻz yumushini davom ettiraveribdi.

Oradan biroz vaqt o'tar-o'tmas shogirdning ishi yurishmay qolibdi, uning mollarini xarid qilmay qoʻyishibdi. U yasagan lagan, tovoqlarning sirlari xiralashib, koʻchib ketayotgan emish. Oxiri shogird dastmovasidan airab. koʻp aziyat chekibdi. Nihoyat, kulolnikiga pushaymon bo'lib gaytib kelibdi.



Kulol uning joniga tag'in ora kiribdi. Kunlar o'tibdi. Shogirdiga kulol:

Bolam, alaxsimay, razm solib tur! debdi-da, gurigan idishlarini bir-bir puflab, so'ngra sir beribdi. Shunda lagan-u tovoqlarning chiroyi yanada ochilib, yarqirab ketibdi.

Shogird endi uning hunarini batafsil egallab olishga astoydil bel bogʻlabdi.



- 1. Hikoya qahramonlari kimlar?2. Nima uchun shogirdning ishi yurishmadi?
  - 3. Hikoyadan qanday saboq oldingiz?



Reja asosida matnni ogʻzaki hikoya giling:

- 1. Kulolning shoqirdi.
- 2. Shogird mustaqil boʻldi.
- 3. Shoqirdning qaytishi.



Obro' qozonaman desang, o'z ishingning ustasi bo'l.



Koʻzlarimga qilib zoʻrlik, Tongda ketdi charchab, shoʻrlik. (nbʎη)



#### **HUNAR - BEBAHO BOYLIK**

Ollobergan Po'lat

Sarvarjon – kichik dehqon, Yashar yer-la tillashib. Singlisi bilan har on Ish qiladi bellashib.

> Yerni chopib, avaylab, Noʻxat ekdi bu yil ham. Urugʻini saralab, Oʻstirdi piyoz, karam.

Erinmasdan ter to'kar, Mo'l bo'lsin deb sabzavot. Shu bois kichik Sarvar Qozondi tez yaxshi ot.

> Men ekkan qovunlar ham Qani tez oʻsa qolsa. Hosilini koʻrganlar Nomimni tilga olsa!..



- 1. She'r kim haqida? U qanday yumush bilan mashg'ul ekan?
- 2. Nima uchun she'r "Hunar bebaho boylik" deb nomlangan?



Siz ham ekin ekkanmisiz? Shu haqida gapirib bering.



Har bir kishining qadr-qimmati oʻz ishini qoyil qilib bajarishidadir.

# Hikmatli so'z nima?

Hikmatli soʻzlar hayot haqiqatini ifodalaydigan chuqur ma'noli va mazmunli gaplardir. Unga amal qilganlar hayotda kam boʻlmaydilar.



# MENING DO'STIM KOMPYUSHA



# Alisa Lavruxina

Kompyuter menga juda ham yoqadi. "R" harfiga tilim uncha kelishmagani uchun erkalab "Kompyusha" deb atayman.

Bugun oʻrtoqlarim bilan koʻproq toʻp tepdim. Soʻng kompyusha oldidagi stulga oʻtirdim. Bu kech uyimizga mehmonlar kelishgan. Shuning uchun elektron mashina bilan muloqot qilishimga hech kim xalaqit bermadi. Bir payt deraza orti qorongʻilashib, koʻzim ilina boshladi. Toʻsatdan kimningdir gʻayrioddiy tovushini eshitdim:

Klavishlarni qattiq bosma, klaviaturani ehtiyot qil!

Atrofimga qarab hech kimni koʻrmadim. Biroq klaviaturadagi klavishlar chiqillab, ekranda nuqtalar paydo boʻlganini koʻrdim.

- Kompyusha, senga nima boʻldi? –
   dedim bu ovoz qayerdan kelayotganini fahmlab.
- Sen bilan tanishsam, degandim, dedi
  u. Senga qiziq bir mashgʻulotni taklif etaman.
- Yaqinroq tanishishga qarshi emasman, –
  dedim. Ekran yarqirab, klavishlar chiqillay
  boshladi. Dadam sen haqingda menga
  koʻp narsalarni soʻzlab bergan.
- Mening nimalarga qodirligim haqida ham gapirib berganmi?

 Sen juda ham qobiliyatlisan! Juda tez sanaysan, koʻplab tillarda yozasan, mendan yaxshi rasmlar chiza olasan.

Men shu kecha kompyusham bilan anchagacha suhbatlashdim. Bilib olganlarim haqida ertaga, albatta, oʻrtoqlarimga gapirib berishga ahd qildim.



- 1. Matn nima haqida ekan?
- 2. Siz kompyuter bilan tanishmisiz?
  - 3. Kompyuterdan toʻgʻri foydalanish qoidalarini bilasizmi?



Bilim va hunar ol, qadrla uni, Bilim-la hunar ham qadrlar seni.






# **NON AZIZ**

# **Obid Rasul**

Oyim xamir qorarlar, Non yopmoqchi boʻlarlar. Yonlarida men borman, Yumush boʻlsa, tayyorman.

Zuvalalar uzarman, Patirga gul chizarman. Oyim xursand ishimdan, Quvonib ich-ichidan:





Ushoq ham – non, azizim, Nonga qilamiz ta'zim, Bebahodir non, qizim. – Xoʻp boʻladi, jon oyi, Bildim: aziz non, oyi.



- 1. She'r nima haqida? Biz nima uchun uni e'zozlaymiz?
- 2. She'r kimning nomidan aytilgan?



Non haqida maqollar ayting.



Non - aziz ne'mat.



Non yasashasizmi, Sholi sanashasizmi?





#### UCH O'G'IL

(Ertak)

1

Bor ekan-u yoʻq ekan, qadim zamonda bir dehqon boʻlgan ekan. Uning tirikchiligi yaxshi ham, yomon ham emas ekan. Uch nafar oʻgʻli bor ekan. Bir kuni dehqon uzoq safarga chiqmoqchi boʻlibdi. Yoʻl oldidan oʻgʻillarini yoniga chaqirib, debdi:  Men uzoq yurtlarga ketyapman. Har biringizga bir juftdan tovuq, oʻrdak, gʻoz berib ketaman. Men kelguncha tuxumini sotinglar, lekin pulini aslo sarflamay, yigʻinglar.

Dehqon bobo toʻngʻich oʻgʻliga bir juft tovuq, oʻrtanchasiga bir juft oʻrdak, kenjasiga bir juft gʻoz beribdi-da, joʻnab ketibdi.

Parrandalar tuxum tugʻa boshlabdi. Uch oʻgʻil tuxumlarni sota boshlashibdi. Qoʻliga pul tushgan katta oʻgʻilning fikri buzilibdi. "Tuxumning pulini yigʻib nima qildim? Dadam kelgunicha yaxshilab oʻynab olay. Agar ular soʻrasa, tovugʻingiz tugʻmas ekan, deyman", – degan xayolga boribdi.

Oʻrtancha oʻgʻil ham oldin oʻrdakning tuxumlarini, keyin oʻzini ham sotib yuboribdi.

2

Kenja oʻgʻil esa gʻozning tuxumlarini yigʻib, bostiribdi. Gʻozlarni koʻpaytirib, tuxumlarini sotibdi. Otasi kelgunicha anchagina pul yigʻibdi. Otasi safardan qaytgach, toʻngʻich oʻgʻlini huzuriga chaqiribdi. Oʻgʻli oldindan tayyorlab qoʻygan

javobini aytibdi. "Sen yaxshi odam boʻlmas ekansan. Qariganimda kunimga asqatmas ekansan", — deb koʻnglidan kechiribdi ota. Oʻrtancha oʻgʻlini chaqirgan ekan, u ham yolgʻon gapiribdi. "Sen qariganimda qarash tugul, oʻzingni ham eplolmas ekansan", — xayolidan oʻtkazibdi ota.

Kenja oʻgʻil tuxum sotib yigʻgan pullarini beribdi. Gʻozlarini koʻrsatibdi. Ota mamnun boʻlibdi: "Sen mehnatkash, yaxshi odam boʻlar ekansan".

Oradan yillar oʻtibdi. Ota avval ikki katta oʻgʻlini, keyin kenjasini uylantirib qoʻyibdi. Ikki katta oʻgʻilning turmushi birinchi kundanoq yaxshi boʻlmabdi. Ular tez orada bor bisotlarini sotib, yeb-ichib tugatishibdi-da, yana otalarining qoʻliga qarab qolishibdi.

Kenja oʻgʻil esa tadbirkorlik bilan ish tutib, kundan kun yaxshi yashay boshlabdi. Otasining hurmatini joyiga qoʻyib, izzatikrom qilibdi. Dehqon kenja oʻgʻlidan rozi boʻlibdi.



- 1. Ertak qahramonlarini sanab bering. Ular qanday insonlar ekan?
- 2. Qaysi qahramon toʻgʻri ish qildi deb oʻylaysiz? Nima uchun?



Ertakni qismlarga ajrating va har bir qismga sarlavha qoʻying.



Obroʻning onasi – mehnat, Otasi – harakat.



Toʻlqinjon toʻrtga toʻldi, Toʻlqinjon tortga toʻydi.



Dumi bor-u, ot emas, Qanoti bor, qush emas.

(Baliq)



# **BO'LIM YUZASIDAN TAKRORLASH**

1. Suratni kuzating. Siz duradgor va novvoyga o'z ish qurollari va kerakli mahsulotlarini topishda yordam bering.







2. Har bir guldagi raqamlarga va gulbarglar soniga qarab, mos kasb-hunar nomlarini yozing.



Guldondagi gullardan birini tanlang. Kelajakda kim boʻlmoqchisiz va nima uchun?



- 1. Boʻlimdagi qaysi she'r yoki hikoya sizga yoqdi?
- 2. Anvar Obidjonning "Odam bo'laman" she'ridan qanday saboq oldingiz?



- "Uch o'g'il" ertagi haqidagi o'z mulohazalaringizni ayting.
- 2. Boʻlimda oʻrganganlaringiz asosida reja tuzib, hikoya yozing. Unda boʻlimdagi qahramonlar qatnashsin.



# 0

# **QISH**

# llyos Muslim

O'tib ketdi kuz chog'i, Yetib keldi qish yana. Kengdir muzlik quchog'i, Bolalar tortar chana.

> Gʻizillashib oʻtishar Oʻgʻil-qizlar quvnashib. Konki otib uchishar Bir-birlarin quvlashib.

Dam olib oʻtkazadi Boʻsh vaqtlarin bolalar. Oq toʻnga oʻraladi Butun atrof, dalalar.



Qish ham rohat bizlarga -Ish qilib, olamiz dam. Toʻlar oʻgʻil-qizlarga Qorli tepalar har dam.



- 1. Shoir gish faslini ganday ta'riflagan?
- 2. Nima uchun qor yogʻganda bolalar xursand bo'ladilar?



Qish haqida maqollar ayting.



Baraka – inoglikda, Boqiylik - quvnoqlikda.



To'rt faslda bir xil libos -Kiyib yashnar, mevasiz. Aytsam, bogʻning koʻrki deysiz, Siz ham uni sevasiz.



# **QISHNING O'RTOG'I**

# Zahro Hasanova

Avvallari qish kelishi bilan qo'l-oyoqlarim muzlab, hech ishga qo'l urgim kelmasdi. O'rtoqlarim qor o'ynashga chaqirishsa: "Shu sovuqda nima bor?" – deb javob gilardim. Turli sabablarni ro'kach gilib. maktabga bormaslik yoʻlini izlardim.

Bir kuni erta tongda dadam menga garab. dedi:

 Qani, sport kiyimingni kiyib ol-chi, endi har kuni badantarbiya bilan shug'ullanamiz

Noiloj tashqariga chiqdim. Dadam qanday harakat qilsa, men ham shunday gildim. Birpasdan keyin havo isigandek tuvula boshladi:

- Bugun havo isib ketdimi, dada? so'radim ob-havoga tushunmay.
- Eh o'g'lim, kulib qo'ydi dadam, bugun ham havo kechagidek Fagat bugun harakat gilganing sababli tanangga issiqlik yugurdi. Oʻgʻlim, sen qishning qahridan qoʻrqma. Aksincha, mana shu chiroyli faslni ayozi va qori bilan oʻzingga oʻrtoq qilib ol. Ana shunda bu fasldan cho'chimaysan. O'qish va ishlaringni bajarishda davom etasan. Har yili uni sog'inib kutasan.

Shu kundan boshlab ertalabki badantarbiya mening sevimli mashgʻulotimga, qish fasli esa yaqin oʻrtogʻimga aylandi.



- 1. Matn qaysi fasl haqida ekan?2. Qish faslida tabiatda yana qanday o'zgarishlar bo'ladi?
  - 3. Siz gish faslida bo'sh vaqtingizni ganday o'tkazasiz?



Qish fasliga taallugli bir nechta so'z topib ayting. Masalan, qor, ...



Izg'irin Izzatni izillatdi.



# **QORQIZ**





Yo'laklarim - olmos gor, Koʻylaklarim - olmos qor, Sochlarim ham olmos qor, Tojlarim ham olmos qor.

Oggina oggush – oggizman, Qorbobo qorgan qorqizman. Yo'ymang meni sho'r tuzga, O'xshatmanglar g'irt muzga.

Tilim novvot, gaynogdir, Koʻnglim yumshoq, qaynoqdir. Oggina oggush - oggizman, Qorbobo qorgan qorqizman.



- 1. She'r kim tomonidan aytilgan?
- 2. She'r qahramonining nomi nima uchun "Qorqiz"?



- 1. She'r mazmuniga asoslanib Qorqizni ta'riflang.
- 2. She'rdagi aytilishi o'xshash bo'lgan so'zlarni jufti bilan o'ging.

Masalan: Yoʻlaklarim – koʻylaklarim.



Shirinning shirin choyiga Shiringina shirmov non!



## **AYRILGANNI...**

#### Latif Mahmudov

Kuz kelishi bilan barglar qoʻngʻir tusga kirib, daydi shamolning hamlasiga dosh berolmay chirtchirt uzilib toʻkilisharkan. Shunday boʻlsa ham biror barg oʻz qisma-



tidan nolimas ekan. Ammo bir oʻjar barg oʻz sheriklaridan ajralib, novdaga mahkam yopishib olibdi.

- Yur biz bilan, deyishibdi oʻrtoqlari, yolgʻiz qolma!
- Yoʻq, debdi oʻjar barg, sizlarga oʻxshab qor-yomgʻirlar ostida qolib, chirib ketaymi?
- Nega unday deysan?! debdi oʻrtoqlari. – Biz ona yerga singib madad beramiz, sharofatimiz bilan kelgusi yil yangi barglar koʻkaradi, shunda qayta yasharamiz. Yolgʻiz qolma, qor-boʻronlarda holing ne kechadi?
- Mayli, debdi oʻjar barg, sizlarga qoʻshilib oyoqosti boʻlganimdan koʻra yolgʻiz yashaganim afzal!

O'rtoglari uni gapga ko'ndirolmay afsus bilan yerga bosh qoʻyishibdi.

Qish kelishi bilan hamma yoq qorga burkanib, izgʻirin shamol esibdi. Oʻjar barg qalt-qalt titrab, vahima bilan novdaga mahkamrog yopishib olgan ekan, novda, vaqt g'animatda pastga - sheriklaring oldiga tushib ol, degandek silkinibdi. Biroq o'jar barg quloq solmabdi. Shamol esa uni har kuni turtkilayveribdi. Bechora barg holdan toyibdi va izg'irin shamolning yana bir hamlasiga bardosh berolchirt etib uzilibdi-yu, chirpirak bo'lib uchib ketibdi.

Shu ketgancha nom-nishonsiz yoʻqolibdi.



- 1. Hikoya nima haqida ekan?
- 2. Oʻjar barg nima uchun doʻstlari bilan ketmadi?
  - 3. Uning ahvoli nima bo'ldi?
  - 4. Hikoyadan ganday sabog oldingiz?



Ayrilganni ayiq yer, Boʻlinganni boʻri yer.



Bozordan oldim bir dona, Ochib koʻrsam, ming dona.





Haligina Halima xola halloslab kelib ketdi.





#### **QOR**

# Zafar Diyor



Oppog-tinig, oppog gor, O'ynab tushar osmondan. Qor qo'ynida o'ynoglab Yurar yoshlar shod-xandon.

Mohir qo'lli tabiat O'z hunarin ko'rgizar... Marhabo, – deb bizlarga Sepayotir zar va zar...

Issiq-issiq kiyinib, Qor qo'ynida o'ynaymiz... Oyoqlarda konkilar Ham chang'ilar, guvnavmiz.





- 1. She'r nima haqida?2. Siz qish faslida qanday o'yinlar o'ynaysiz?



She'rdan bolalar o'yinlari haqidagi qismini topib oʻqing.



Qishning qori — yozga dori.



Tohir togʻa togʻda tulki tutdi.







#### TOG' MALIKASI

#### Zahro Hasanova

Hovlimizning qoq oʻrtasida yam-yashil archa bor. Har yili Yangi yil bayrami yaqinlashganda oila a'zolarimiz bilan archani bezatamiz.

- Oyijon, bunaqa chiroyli archa hech qaysi oʻrtogʻimnikida yoʻq. Ular doim: "Kim ekkan?" – deb soʻrashadi.
- Koʻp yillar avval rahmatli bobong olib kelgan ekan. Archa to oʻzini tutib ketguncha bobong koʻp mehnat qilgan.

- Oyijon, rostdan ham archamiz 30 yoshdami? Unda mendan ancha katta ekanda-a? deydi qiziqib qizim.
- Ha, bobong aytgan. Archa uzoq yillik oʻsimlik. Bizning oʻlkamizda u, asosan, togʻli yerlarda oʻsadi. Kitoblarda archaga "Togʻ malikasi" deb ta'rif berilgan.
- Men uni faqat chiroyli bo'lgani uchun ekishadi, deb o'ylardim,
  dedi qizim.

Bu orada archamiz bayram tusiga kirdi. Rang-barang oʻyinchoqlar, tovlanma zarlar jilvasi husniga husn qoʻshib, yanada goʻzal qilib yubordi. Koʻzlari xuddi archa oʻyinchoqlaridek porlab turgan qizalogʻim archa atrofida gir-gir aylandi-da, oʻrtoqlarini chaqirib kelish uchun chopqillab chiqib ketdi.



- 1. Hikoyadan archa haqida nimalarni bilib oldingiz?
- 2. Yangi yil bayramiga qanday tayyorgarlik koʻrasiz?
- 3. Archa nima uchun "Togʻ malikasi" deyilgan?



Qorin qoʻyib Qorbobo, Qoʻlqopini qidirdi. Qorqiz qalin qalpogʻin Qulogʻiga qoʻndirdi.



# **QORNING KO'P XOSIYATI BOR**

Ilyos Muslim

藥

Bolalar, bilasizmi, Qorning xosiyati bor. Kech kuzdanoq dala, qir, Keng oʻrmonlar qor qoʻmsar.



Dehqonlar ilk kuzakdan Kelasi yil gʻamin yer: Don separ, shudgor qilar, Koʻklamga shay boʻlar yer.

Qish qishligin qilmasa, Ishga zarar yetadi. Qor yogʻmasa, don-dunni Chumchuqlar yeb ketadi.

Qor yogʻib, boʻlsa ayoz, Qochar gripp – betoblik. Yaxmalak togʻ-qirlarda, Yangraydi qoʻshiq, shodlik.





Shu sababdan hammaga Sevinch olib kelar qor. Bildingizmi, oq qorning Qanday xosiyati bor!



- 1. She'rda qorning qanday xosiyati haqida aytilgan?
- 2. Qorning tabiatga qanday ta'siri bor ekan?
- 3. Qor va uning foydasi haqida yana nimalarni bilasiz?



Qishning qori — kuzga baraka.



Yumshoq, lekin paxta emas, Gʻirchillaydi, taxta emas. Daraxtlarni kiyintirar, Oppoqqina, yaxtak emas.




#### **LAYLAKQOR**

## Qutbi Nosirova

Qor yogʻar elak-elak, Yogʻar boʻlib charxpalak. Qoʻngan zamon kaftimga Erib ketar taftimga, Quvnoq qor, oppoq qor.

Qorni yigʻib olaylik, Bir shaklga solaylik. Bolalar, keling, qani, Qorbobo yasar Gʻani. Quvnoq qor, oppoq qor.



Qor yog'ar hamon-hamon, Kulamiz xandon-xandon. Qizib ketdi o'vin ham. Shodlikni koʻrar baham Quvnoq qor, oppoq qor.



- 1. She'r nima uchun "Laylakqor" deb nomlangan?
- 2. Qishda bolalar qordan nimalar yasashadi?



- 1. Qish manzarasini chizing.2. Qor haqida oʻqigan she'rlaringizni eslang.



Qarg'a qag'illar qar-qar, Qirni qalin qor qoplar.



#### CHILLA CHIQIB





Qish ayozi tobida, Qor erinmay bo'ralar. Shox-shabba orasidan Ovchi sergak moʻralar.

Ayiq g'orga yo'l oldi, Piymasini ivitgan. Quyon po'stin tikibdi O'ziga oq tivitdan.





Yashil taroq archalar Keng yozib qulochini – Erinmasdan shamolning Tarar paxmoq sochini.



- Qish faslida oʻrmon hayvonlari nima qilishar ekan?
- 2. She'rda tasvirlangan qish manzarasiga yana qanday qo'shimcha qila olasiz?
- 3. She'rda archa haqida nima deyilgan?



Oqtepada oq kaptar, Koʻktepada koʻk kaptar.



Hovuzga qopqoq boʻlar Ayni qish chogʻi. Bahor nafasi yelgach, Soʻnar chirogʻi. (zn<sub>W</sub>)





# **VATAN - MEHR QO'RG'ONI**

Iskandar Rahmon

Er kishining koʻnglida Egarlangan ot boʻlar. Ona Vatan sevgisi Diliga jo, yod boʻlar.



Vatan – mehr qoʻrgʻoni, Iymon uning qalqoni. Er yigitlar Vatanning Mard-u maydon posboni.

Ona Vatan koʻrkidir, Iftixori – yigitlar! El boshiga ish tushsa, Xaloskori – yigitlar!

Omon boʻlsin hamisha Jasur oʻgʻlon, yigitlar! Qadamidan oʻt chaqnar, Koʻksi qalqon yigitlar!



- 1. She'r kimlar haqida?
- 2. Vatan posbonlari tinchlik uchun nima ishlar qiladilar?



She'rdagi quyidagi so'zlar ma'nosini tushuntirib bering: posbon, qalqon, iftixor, xaloskor, jasur.



Yigitning zo'ri yurt qo'rir.



Qobil, Qo'chqorvoy, Qurbon Qordan qurdilar qo'rg'on.



## **BO'LIM YUZASIDAN TAKRORLASH**

1. "Qish" mavzusidagi suratni kuzating va undagi xatolarni aniqlang. Nimalar bo'lishi mumkin emas?



2. Rasmlardan foydalanib "gor" so'zi gatnashadigan soʻzlar tuzing.

3. Rasm daftaringizga ulardan birining rasmini chizing.



- 1. Boʻlimdan nimalarni oʻrgandingiz?2. Qish faslida tabiatda qanday oʻzgarishlar boʻladi?
  - 3. Qaysi she'r sizga yoqdi? Nima uchun?



Qish faslini rasmlarda ifodalang.



**QOR** 



# TILINGNI AVAYLA — OMONDIR BOSHING

Yusuf Xos Hojib

Oʻquv va bilimning tilmochi tildir. Kishiga yaxshilik va ezguliklar til tufayli keladi. Qutbarakani ham, obroʻ-e'tiborni ham kishi til orqali topadi. Tilga e'tibor bermasa, uni nooʻrin qoʻllasa, odamning boshi yorilishi mumkin.

Donolarning so'ziga quloq sol. Ular:

Ey til egasi, boshingni asra! – deyish-gan. – Oʻziga omonlik tilagan har bir odam tilidan yaroqsiz soʻzini chiqarmasin.
 Bilib soʻzlangan soʻz donolik sanaladi. Bilimsizning soʻzi esa oʻz boshiga yetishi mumkin.

Hech qachon koʻp gapirma. Oz soʻzlarga koʻproq ma'no sigʻdir.

Tilingni avayla — omondir boshing, Soʻzingni avayla — uzayar yoshing.



1. Nima uchun tilga e'tibor berish kerak? deganda nimani tushunasiz?



Odamlar bilan soʻzlashganda matnda berilgan maslahatlarga amal giling.



Bir tup tut, to'rt tup turp.



Choyga solsam erib ketar, Lazzatini berib ketar. (Oddsug)





#### IBN SINONING BOLALIGI

Magsud Qorivev

Abdulloh ma'rifatli inson bo'lganligi uchun Afshonadagi xonadonida e'tiborli kishilar, shoir-u fozillar yigʻilishar edi. Shunda olam voqealaridan koʻra koʻproq she'riyat haqida gap ketardi. Bir kecha shunday yig'inlarning birida Umarxon ismli afshonalik shoir Rudakiydan ruboiylar o'qiy boshladi. Shoir oxirgi bandini yodidan chiqarib, jim bo'lib goldi. Shunda otasining bag'rida o'tirgan Husayn o'rnidan turib davom ettira ketdi.

Majlis ahli jim bo'lib qoldi. Abdulloh hayron. Bir tomondan, xursand bo'lsa, ikkinchi tomondan, xijolat, go'dak bola mazkur she'rni qaydan o'qigan, deb.



Umarxon bolani yana bir bor sinab ko'r-moqchi bo'lib:

 Rudakiyning yana boshqa gʻazalini bilursanmi? – deb soʻrab qoldi.

Husayn dadil turib, oʻqiy ketdi: Odamlar qalbining charogʻi ilm, Balodan saqlanish yarogʻi ilm...

Balli, balli, umring ziyoda bo'lg'ay, –
 deya duo qildi shoir.



- 1. Hikoya kim haqida? Siz u haqida nimalarni bilasiz?
- 2. Ibn Sino bolaligida qanday boʻlgan ekan?



1. Husayn oʻqigan misralar ma'nosini tushuntiring.

2. Ilm o'rganish haqida maqollar ayting.



Sardorning sayroqi sariq sa'vasi subhidamda sayradi.



Yozib umrin tugatar, Serharakat shu qadar.







## AMIR TEMUR HAQIDA HIKOYA

# Bo'riboy Ahmedov

Temurbek ziyrak, hamma narsani bilishga intiluvchan boʻlib oʻsdi. Toʻrt yoshga toʻlganida, otasi uni qishloq maktabiga olib borib, Ibodulla domlaning qoʻliga topshirdi.

Tarag'ay Bahodir qo'l qovushtirib:

 Bolamning savodini chiqarib bersangiz, – dedi. Ibodulla domla bu soddadil va xushfe'l odamni juda yaxshi bilardi. Shuning uchun ham uni ochiq chehra bilan kutib oldi. Qo'lidagi tugunini olib, bolasini maktabga qabul qildi.

Taragʻay bahodir chiqib ketganidan keyin domla uning oʻgʻlini oldingi qatorga oʻtqizdi. Keyin unga murojaat qildi:

-Qani, o'g'lon, tur o'rningdan. Isming ne?

Yangi talaba dast oʻrnidan turdi va: "Temur", – deb javob berdi.

- Barakallo, Temurbek, maktabimizga kelib yaxshi ish qilibsan. Yaxshi oʻqisang, mulloyi zabardast boʻlursan. Shoʻxlik qilib, kamhafsala boʻlsang, oʻzingdan koʻr.

Temurbek boshini quyi solganicha qo'l qovushtirib, indamay turardi.

Temurbek toʻrt yil Ibodulla domlaning qoʻlida oʻqidi. Savodi chiqqanidan keyin Taragʻay bahodir oʻgʻlini Shahrisabzdagi madrasaga berdi. U maktabdagi singari madrasada ham yaxshi oʻqidi.

Mamlakatni boshqarish ilmini esa otasidan oʻrgandi. Buni otasi kechqurunlari turmush tashvishlaridan xoli boʻlgan paytlarida oʻrgatdi.

Temurbek ustozi va otasining pand-nasihatlarini butun vujudi bilan tinglardi. Keyin bularga bir umr rioya qildi.



- 1. Hikoya kimning bolaligi haqida ekan?
- 2. Temurbek qanday ilmlarni oʻrganibdi?
  - 3. U o'rgangan bilimlaridan hayoti davomida qanday foydalandi?



Amir Temur haqida bilganlaringizni soʻzlab bering.



Bo'ladigan bola boshidan ma'lum.



Qurilishga terak kerak, Demak, ekmoq kerak terak!



Polizda koptok boʻlib, Dumalab yotar, toʻpmas. Dehqon bobom avaylab Oziq, suv berar, tepmas.





## NON - ULUG' NE'MAT

(Rivoyat)

Mirzo Ulugʻbek mulozimlari bilan ketayotganida, yoʻl yoqasida yotgan bir burda nonni koʻrib qolibdi. Darrov otdan tushib, uni qoʻyniga solibdi. Mulozimlaridan biri:

 Sultonim, nega bizga buyurmay,
 oʻzingiz otdan tushdingiz? – deb soʻraganida, shunday javob beribdi:



– Nonni birinchi bo'lib men ko'rdim. Shunday ekan, uni yerdan olishni boshqa birovga buyurish mening nonga nisbatan hurmatsizligim bo'lur edi. Nonning ulug'ligi oldida mening podsholigim nima bo'libdi?!



- Mirzo Ulugʻbek nima uchun nonni bunchalik e'zozladi?
- 2. Mirzo Ulugʻbek haqida yana nimalarni bilasiz?
- 3. Non haqida qanday she'r va maqollarni bilasiz?



Nonga hurmat - elga hurmat.



Sharqdan bosh koʻtarar u, Har tong sogʻinar bizni. Koʻrmasak turolmaymiz Olov yuzli qirmizni.







# NIMA EKSANG, SHUNI O'RASAN



#### Shorasul Zunnun

Bir yigit koʻzlari xiralashgan qari otasini hurmat qilmasdi.

Bir kuni chol bechora qoʻli titrab, osh suzib berilgan kosani tushirib sindirdi. Buni koʻrgan kelini nordon soʻzlar aytib, koʻnglini vayron qildi.

Shundan keyin yigit otasini hovlining bir chekkasidagi zax uyga koʻchirdi. Kelin esa eri bergan yogʻoch kosada qaynotasiga ovqat bera boshladi. Bu kabi muomaladan otaning koʻngli ozor topib, oʻksinib yigʻlardi. Besh yoshli nevarasi bilangina tasalli topar edi. Bola uning yoniga kelib oʻtirar, ma'sumona soʻzlari bilan kuldirib, qaygʻu-alamlarini yengillatardi.

Bola bir kuni qoʻliga pichoq olib, yogʻochni yoʻnib oʻtirardi. Shu paytda dadasi kelib qoldi. Oʻgʻlini koʻrib: "Oʻgʻlim, nima qilyapsan?" – deb soʻradi. Oʻgʻli yugurib kelib, dadasini quchoqlab oldi:

 Dadajon, siz buvamga yogʻoch kosa keltirib bergan edingiz-ku, oyim oʻsha

kosada buvamga ovqat beradilar. Men ham yogʻoch kosa yasayapman, katta bo'lganimda ovim bilan sizga shu kosada ovgat beraman.

O'g'lining bu so'zi yigitga gattig ta'sir qildi. U koʻz yoshi qilib, otasining huzuriga kirdi, tiz cho'kib uzr so'radi. Darrov uni issig xonaga koʻchirdi. Kelin ham qaynotasini hurmat qila boshladi.

Ularning bu ishlaridan ota xursand bo'ldi.



- 1. Ota nima uchun oʻgʻlidan xafa boʻldi?
- 2. Oʻgʻil xatosini tushundimi? Bunga nima sabab boʻldi?



Alisher Navoiyning quyidagi misralarini oʻgib, mazmunini tushuntiring:

Boshni fido avla ato goshig'a, Jismni qil sadqa ano boshiq'a.



Bogi qoqini Soqiqa sotdimi, Soqi qoqini Boqiga sotdimi?



Singlimga o'xshar o'zi, Aslo yumilmas koʻzi.







**TA'ZIR** 

(Qissadan parcha)

# Xudoyberdi Toʻxtaboyev

Endi men sizlarga soʻlim qishloqda yashaydigan, oʻzi xiyla oʻyinqaroq boʻlgan Bahromjon degan bir bola haqida hikoya aytib bermoqchiman. Dadasi, onasi har kuni dalaga ketib, Bahromjon uyda buvijoni bilan yolgʻiz qolardi. Buvijoni:

- Oʻgʻlim, narigi uydan koʻzoynagimni olib chiqib ber! – desa, Bahromjon:
- Xoʻp boʻladi, derdi-da, oʻyinchoqlarini oʻynab oʻtiraverardi.

Biroz fursatdan soʻng buvijoni yana:

Koʻzoynak, deyapman senga, – derdi.
 Bahromjon esa boshini ham koʻtarmay:

 Hozir deyapman-ku, – deya oʻyinga battarroq berilib ketardi.

Oxiri, buvijoni oʻrnidan turib, koʻzoynagini oʻzi olib chiqishga majbur boʻlardi. Ertasi ham shu, indiniga ham shu – Bahromjonning qulogʻiga hech gap kirmasdi.

Buvijon! – dedi bir kuni Bahromjon. –
 Qornim juda ochib ketyapti, non bering.

Buvijoni koʻrpa qaviyotgan edi.

- Xoʻp boʻladi,
   dedi-yu, oʻrnidan
   qoʻzgʻalmay ishini qilib oʻtiraverdi.
- Non deyapman, dedi Bahromjon betoqat boʻlib.
- Xoʻp deyapman-ku, deb qoʻydi buvijoni beparvo bir ohangda. Biroz fursatdan soʻng Bahromjon yer tepinib:
  - Non! deb qichqirdi.
- Hozir! dedi-yu, buvijoni koʻrpaning bu etagini tugatib, narigi etagini qavishga tushib ketdi. Yana biroz fursatdan soʻng Bahromjon toʻsatdan yumshab:
- Buvijon, ignaga ip o'tkazib beraymi? –
   deb qoldi o'zidan o'zi.

Nega desangiz, shu paytda Bahromjon "Buvijonimning aytganini qilmay xato qilgan ekanman-da", deb oʻzicha afsuslanayotgan edi. Buni sezgan buvijoni oʻrnidan turib:

- Tilingdan aylanay, - deb qoʻydi.

O'sha kundan boshlab Bahromjon buvijoni aytgan ishni darrov bajaradigan bo'lib qoldi.



- Bahromjonning qaysi ishi sizga yoqmadi?
- 2. Bahromjon nima uchun birdan oʻzgarib qoldi?
- 3. Buvisi Bahromjonga qanday saboq berdi?



Matndan xulosa chiqaring va fikrlaringizni daftaringizga yozing: Qanday bola boʻlish kerak?



Yaxshilik nur keltirar, Yomonlik — zulmat.





#### **MEHMON KELDI**





Bir bor ekan, bir yoʻq ekan, Ra'nobonu degan qizcha bor ekan. U uyda biror ish qilishi kerak boʻlsa, oyisining aytishini kutmay bajarar ekan. Bir kuni u ertalab oyisiga:

- Oyijon, bugun tushimda menga chiroyli koʻylak olib kelganmishsiz, – debdi.
- Yaxshi tush koʻribsan, debdi oyisi. –
  Demak, mehmon kelar ekan.

Bu gapni eshitgan Ra'no oyisi bilan dadasi ishga ketishgach, uy va hovlini supurib, hamma yoqni chinniday qilib qo'yibdi. Ammo o'sha kuni hech qanday mehmon kelmabdi-yu, kechqurun oyisi Ra'noga xuddi tushida ko'rganiday ko'ylak olib kelibdi.

Bir kuni ertalab choy ichib o'tirishganida Ra'no oyisiga:

- Qarang, oyijon, bilmasdan ikkita non tishlab qoʻyibman, debdi.
  - Mehmon kelarkan-da, debdi oyisi.

Yana bir kuni ertalab nonushtada oyisiga choy quyilgan piyolasini koʻrsatibdi.

- Buni qarang, oyi, debdi Ra'no. –
  Choyimda bitta cho'p tippa-tik turibdi.
- Yaxshi-ku, debdi oyisi. Demak,
   mehmon keladi.

Ra'no xursand bo'lib, oyisi bilan dadasi ishga ketgach, hamma joyni supurib, tozalabdi, idishlarni yuvibdi. Dasturxon yozib, non, shirinlik va mevalarni terib qo'yibdi. Keyin ko'cha eshigini ochib, mehmonlarni

kutibdi. Ammo bu gal ham mehmon kelmabdi. Ra'no xo'rsinib uyga kirib ketibdi.

Shu-shu, Ra'no mehmon kelib qolar deb, har kuni hamma yoqni ozoda qilib qo'yadigan bo'libdi. Bir kuni hovlisidagi o'rikning eng uchida zag'izg'on sayrabdi. "Mehmon keladi", deb o'ylabdi Ra'no. Zag'izg'on ko'cha tomonga qarab uchgan ekan, Ra'no yugurib ko'chaga chiqibdi.


Zagʻizgʻon, zagʻizgʻon, mehmonlarga
 ayt, biznikiga kelishsin! – deb qichqiribdi.

Shu payt:

Mana, mehmon bo'lib kelyapmiz, –
 degan ovoz eshitilibdi.

Ra'no qarasa, buvisi bilan xolasi ko'-chadan o'tishayotgan ekan. Ra'no yugurib ularning oldiga boribdi va quchoqlashib ko'rishibdi. Ular uyga kirganlarida hamma yoq ozoda va tartibli bo'lgani uchun Ra'noni rosa maqtashibdi.

1. Ra'noning oyisi nima uchun bunday yo'l tutdi?



3. Siz uyda mehmonlarni qanday kutasiz?



Mehmonlar haqida maqollar yoki urf-odatlarni ayting.



Mehmon otangday ulug'.





## KICHKINA ALISHER

# Zamira Ibrohimova

Alisher Navoiy bolalik paytlaridayoq juda ziyrak, aqlli, odobli bola boʻlgan ekan. Uch yoshidan boshlab she'r, musiqa eshitishni nihoyatda yaxshi koʻrar ekan. U juda tiyrak boʻlganligi uchun otasi uni toʻrt yoshida maktabga beribdi. Kichkina boʻlishiga qaramay, juda ham yaxshi oʻqibdi.

Biroq Alisherning Hirotda oʻqishi uzoqqa choʻzilmabdi. Urush, janjallar-u toʻpolonlar

sabab koʻpgina oilalar qatori Alisherlarning oilasi ham koʻchib ketishga majbur boʻlishibdi.

U paytlarda odamlar uzoq joylarga boradigan boʻlishsa, tuyalarda, ot-aravalarda ketishgan. Yoʻl uzoq, havo issiq boʻlgani uchun ular kunduzi dam olib, kechasi yoʻl yurishgan. Bir kuni kechasi Alisher ot ustida ketayotganida charchab, uxlab qolibdi. U otdan yumshoqqina qum ustiga sirgʻalib tushib ketibdi va uxlayveribdi. Karvondagilar buni bilishmay, ketishaveribdi.

Ertalab, quyosh chiqqanda Alisher uyqudan uygʻonibdi. Atrofga qarab qoʻrqib ketibdi, yuragi duk-duk uribdi. Birdan oʻz otini koʻrib qolibdi. U ketib qolmay, egasi uygʻonishini kutib turgan ekan. Alisher rosa xursand boʻlib ketibdi. U darhol otining yoniga borib, uni mehr bilan silab-silab qoʻyibdi. Soʻng sinch-kovlik bilan qumlarga qarabdi. Otlarning izini qidiribdi. Otlar izi quyosh chiqadigan tarafga choʻzilib ketgan ekan. Alisher ham otiga minib, ana shu izlar boʻylab yoʻlga tushibdi va omon-eson ota-onasining yoniga yetib boribdi.



- 1. Kichkina Alisher haqida nimalarni bilib oldingiz?
- 2. Siz yosh Alisher kabi yolgʻiz qolsangiz, qanday yoʻl tutar edingiz?



Baxt belgisi ilm va aqldir.



Uch uchuvchi uch marta uchib, Togʻning uchini quchdi.





# **ALISHER NAVOIY**

**Xurshid Davron** 



Mir Alisher Navoiy Bobomizning kitobi Yoritar dilimizni Misli bahor oftobi.

Mir Alisher Navoiy – Gʻazal mulkin sultoni. Yaxshilikka chorlaydi Uning she'r-u dostoni.

Mir Alisher Navoiy Merosi tamom bo'lmas. Nabiralar bor ekan, Bobomiz nomi o'lmas.



- 1. She'rda Alisher Navoiy haqida nima deyilgan?
- 2. "G'azal mulkining sultoni" degan ta'rif nimani anglatadi?
- 3. Alisher Navoiy haqida yana nimalarni bilasiz?



Boboning tol ekkani — Oʻziga nom tikkani.



Boqi botir buzoq boqar.



Ertak, she'r-u matnlar Yashar bir mamlakatda. Dunyoni o'rganishda Uning xizmati katta.



# **BO'LIM YUZASIDAN TAKRORLASH**

1. Idishlardagi boʻgʻinlarni faqat bir marta ishlatib toʻgʻri oʻqisangiz, boʻlimda oʻrganilgan mavzuga taalluqli hikmatli soʻz hosil boʻladi.





shu

sang,

ni

o'

ma

ra


san.

Hikmatli soʻz boʻlimdagi qaysi mavzuga taalluqli? Ma'nosini tushuntiring.

2. To'g'ri va juda tez o'qish. Kim bir nafasda koʻp va toʻqʻri oʻqisa, qʻolib boʻladi:


> Besh barmog'im, besh barmoq, Birinchisi bosh barmoa. Ikkinchisi koʻrsatkich. Beshinchisi - iimiilog.

3. Rebusni to'q'ri yechsangiz, o'zbek xalq maqollaridan birini o'qiysiz.





- 1. Boʻlimda qaysi buyuk vatandoshlarimiz haqida bilib oldingiz?
  - 2. Bobolarimiz ganday sabog berishdi?
  - 3. Bo'limdagi qaysi matn va hikoya qahramoni sizga yogdi?







#### **BAHOR KELDI**

Aziz Abdurazzoa

Uchib keldi ko'llarga Turna-yu g'oz, o'rdaklar. Keling, biz ham yoʻllarga Otlanaylik, o'rtoqlar.

Borib tabrik etaylik Do'st, qadrdon - hammani. Bog'-rog'larga ekaylik O'rik, gilos, olmani.



Har bahorda gullasin, Gullari to'p-to'p bo'lsin. Qurimasin, so'lmasin, Hosili koʻp-koʻp boʻlsin.



- 1. She'r qaysi fasl haqida ekan?2. Bahor faslida tabiatda qanday oʻzgarishlar boʻladi?
  - 3. Dalada ganday yumushlar bajariladi?



Kun gʻamini sahar ye, Yil gʻamini bahor ye.



Gulnor gulzor oralab gullarni saraladi.



Suv ostida makoni, Chuvalchang uning joni. Qoʻlda turmaydi, silliq, Tanga toʻnli u ...







# **BOBURNING FAZILATLARI**

G. H. Pant, hind tarixchisi

Bobur ismi "sher" ma'nosini anglatib, oʻzi ham ismi jismiga monand kishi boʻlgan. Kelishgan qaddi-qomati va benihoya kuchliligidan tashqari dovyuraklikda, epchillikda, chaqqonlikda uning oldiga tushadigan odam topilmagan.

Bobur uncha-muncha qiyinchiliklarni pisand etmagan, ayniqsa, ovda chinakam sher boʻlib ketgan. U koʻpincha ikki davangirday odamni qoʻltiqlab olib, Agra qal'asi devorlari ustida yugurib mashq qilgan. Bobur yana ajoyib suzuvchi va g'avvos ham bo'lgan. U yo'lida uchragan jamiki hind daryolarini suzib o'tgan.

"Boburnoma"ni oʻqir ekansiz, Boburning aqlli va bilimli ekanligiga guvoh boʻlasiz. Bobur tabiatni jonidan yaxshi koʻrgan. Ayniqsa, togʻlarni, daryolarni, bogʻlarni, yaylovlarni koʻrganda, zavq-shavqi tugʻyon urib, misoli bulbuligoʻyo boʻlib ketgan. U soʻzamol notiq, iste'dodli shoir, mohir sarkarda, mehribon ota, or-nomusi kuchli inson boʻlgan.

Boburning koʻp ishlari poyoniga yetmay qolgan, shu sababdan ham oʻgʻli Humoyun keyinchalik uning ishini davom ettirgan.



- Hikoyadan Bobur haqida nimalarni bilib oldingiz?
- 2. Uning ismi qanday ma'noni anglatar ekan?
- 3. Bobur qanday inson bo'lgan?



Yaxshi xislat — goʻzal fazilat.



Qopqon qop yonida, Qop qopqon yonida.



#### KO'KLAM SEP YOYDI

Do'stjon Matjon

Koʻklam yoydi sepini Shahar-u qishloqlarga. Gulladi oʻrik, bodom, Chiroy berdi bogʻlarga.

Maftun boʻlib oʻlkamga Uchib keldi turna, gʻoz. Quvnoq qoʻshigʻimizga Qushlar boʻldi joʻrovoz.



Taralar gullar atri, Osmon moviy, xushhavo. Mening ona Vatanim, Eh, naqadar dilrabo.



- 1. She'rda tabiatda bo'ladigan qanday o'zgarishlar tasvirlangan?
- 2. Bahorda qanday qushlar uchib kelar ekan?



Qalampirli qattiq qurut Qodirning qaysi qoʻlida?



Onam, singlim, opamning Qoʻllarida oʻynaydi. Hovli, uyni har kuni Tozalaydi, toʻymaydi.





#### **BIR TUP SADA**

#### Mahmud Murodov



1

Qishlog'imizning o'rtasidan oqadigan ariq bo'yida katta sada bor. Sadaning qalin, quyuq shoxlari yerga tangaday oftob tushirmaydi. Tagi g'ir-g'ir shabada.

Qishloqning bir tomoni poyonsiz qir. Sap-sariq, bo'liq boshoqlarini egib, chay-qalib turgan bug'doylar xuddi oltin dengizga o'xshab chayqaladi.

2

Gʻallakorlarning koʻpchiligi tushda shu sada ostida yigʻilishadi. Samovarda shaqillab qaynagan xushboʻy koʻk choydan ichib, hordiq chiqarishadi. Ana shunda keksalarning: "Norbobo koʻp yaxshi ish qilganda! Hozir maza qilib oʻtirishimiz oʻsha odam tufayli", – deganlarini koʻp eshitganman.

Bir kuni dadamdan:

- Dada, Norbobo kim oʻzi? deb soʻradim. Dadam boshimni silab javob berdi:
- Norbobo qishlogʻimizning mehnatkash, keksa otaxoni edi. Rahmatli oʻsha sadani yoshligida allaqayerdan keltirib oʻtqazgan ekan. Norboboni tilga olishlarining boisi shu.

Shu payt koʻzimga kichkinagina sada oʻtqazayotgan Norboboning bolalik payti koʻringandek boʻldi.

#### 4

Qaysi bir kuni buzoqni podaga haydayman desam, u bugʻdoyzorga urib ketaverdi. Tayoq topolmay, shoshganimdan dadam ekib qoʻygan oʻrik koʻchatini sugʻurib olibman. Shuni eslab qizarib ketdim. Keyin dadamga bu voqeani aytib, uzr soʻradim. "Endi sen ikki tup koʻchat oʻtqazishing kerak. Biri sugʻurib olganing oʻrniga, ikkinchisi esa oʻz hissang", – dedi dadam.



- 1. Hikoyaning asosiy qahramoni kim? U qanday inson bo'lgan ekan?
- 2. Daraxt ekishning xosiyati nimada ekan?
- 3. Siz ham ko'chat o'tqazganmisiz?



Matnning qismlariga sarlavha qo'ying va gayta hikoya giling.



Bir kishi ariq qazir, Ming kishi suv ichar.



Toʻlgin togʻa tunov kuni togʻda tulki tutdi.





#### **GUNAFSHA**

Ariq bo'yin yoqalab Borardim uy tomonga. Yoni qalin maysazor, O'xshar jajji o'rmonga.

Koʻrib qoldim bir mahal: Ochilibdi gunafsha. Egilib salom berdi. Sevinib dedim: Yasha!



Qudrat Hikmat



Sen bahorning elchisi, Sendan yashnar dalalar. Yellarning qanotida Xush bo'ylaring taralar.



Shoir nima uchun gunafshani "bahorning elchisi" deydi?



1. Shoirning gunafshaga aytganlarini she'rdan topib o'ging.

2. Siz yana qanday bahor gullarini bilasiz? Ulardan bir nechtasining rasmini chizing.



Doʻstingga qoʻshiq ayt, Mehringni qoʻshib ayt.



Tez aytgin-u, tez gapir, Tez aytganga bir patir.



#### **TANBEH**

# Latifjon Mansurov

Maktabdan qaytsam hovlimizdagi supada onam choy ichib oʻtirgan ekan. Onamning nurli chehrasiga koʻzim tushdi-yu, "Somaleykoʻm", deb salom berib yuborganimni oʻzim ham sezmay qoldim.

 Vaalaykum assalom, chirog'im. Qani, beri kel-chi!

Onajonim shunday dedi-da, meni yoniga chorladi.

 Voy oʻzimning dono oʻgʻlim. Yaxshi baholarga oʻqib qaytdingmi? – deya meni bagʻriga bosdi.

Onamga yuzlanib maqtandim:

- Onajon, bugun "besh" baho oldim.
- Barakalla, chirogʻim, barakalla, deya maqtab qoʻydi onam.

Onajonimning bu magtovidan ko'ksim togʻdek koʻtarildi. Keyin onam yumshoqqina gap boshladi:

- Bilasanmi, oʻqʻlim, senga ikki ogʻizgina gapim bor. Hozir sen kirib kelganingda: "Somaleyko'm", - deya salom berding. Aslida salomingga alik olmasligim kerak edi. Sababi "Somaleyko'm" so'zining ma'nosi: "Yomonlik tilayman", - degani. "Assalomu alaykum" soʻzining ma'nosi esa: "Sizga salomatlik tilayman" - deganidir. Kattalarga salom berayotganingda qo'lingni ko'ksingga qoʻyib: "Assalomu alaykum", - deya to'g'ri salom berishni unutma.

Shu-shu bo'ldi-yu, onamning tanbehini qulog'imga quyib oldim. Har gal o'zimdan kattalarga salom berganimda uning tanbehi guloglarim ostida jaranglayotgandek tuvuladi.



1. Matn qahramoni kimdan tanbeh eshitdi?2. "Somaleyko'm" va "Assalomu alaykum"

so'zlarining ma'nosi qanday ekan?



To'g'ri salomlashish odobi ganday bo'lishini ko'rsatib bering.



Toshmat togʻdan tosh tashidi.



Qozonda emas, qaynaydi, Qishin-yozin tinmaydi. (bojng)



#### **MOMAQAYMOQ**

# **Quddus Muhammadiy**

Erta koʻklam elchi guli – Momaqaymoq, qoqioʻtjon. Keng koʻchamiz chekkasini Bezatdi tilla marjon.



Koʻrsang koʻzing quvnaydi, Koʻklam husni gulparcha. Mevasi undan qiziq, Momiq ukpar, uchar shar.

Chaqaloq qalpogʻidek Yer husniga husn qoʻshar. Shamolda uchar oʻynab, Bolalar chopar, tutar.

- Momaqaymoq, qoqioʻtjon, Koʻrisharmiz endi qachon?
- Yana koʻklam kelganda,
   Yerda maysa kulganda.



- She'rni o'qiganda ko'z oldingizga qanday manzara keldi?
- 2. Siz qoqio't gullaganini ko'rganmisiz?
- 3. Ushbu bo'limda yana qaysi bahor gullari bilan tanishdingiz?



Momaqaymoq rasmini chizing.



Dum-dumaloq oq uydan Jajji qush uchib chiqar. "Chiy-chiy"lar murgʻak dili, Olamni quchib chiqar.





## KARIM CHUMOLINING TILINI BILARKAN

Hamid Jalolov



Bir kuni bolalarni oʻqituvchisi dalaga olib chiqdi. Bahor emasmi, hamma yoq yashil libosga burkangan. Atrofdagi chuchmoma, gunafsha, lolalarni aytmaysizmi, darrov bolalarni oʻziga rom qildi. Chugʻurlashganlaricha gul terishga tushib ketishdi. Karim ham juda quvondi. U tabiatni juda sevadi. Balki otasining tabiat oʻqituvchisi boʻlgani uchundir.

Ana, u bir toʻp lolalar qarshisida hayratlanib turib qoldi. Lola tagida gʻuj-gʻuj chumolilar tinmay yugurishadi. Ajoyibda bu chumolilar, shoshganlari-shoshgan. Ogʻzilarida nimalar boʻlmaydi: bugʻdoy, choʻp, non ushoq.

Karim chumolilarga uzoq tikilib qoldi. Keyin oʻrnidan lip etib turdi-yu, nariroqda lolalardan guldasta qilayotgan Nodirani chaqirdi.

- Nima deysan? dedi Nodira istar-istamas.
- Bilasanmi, hozir yomgʻir yogʻadi, –
  dedi Karim.

Nodira osmonga qaradi. Oftob koʻzini qamashtirdi.

- Seni qara-yu, vahima qilasan-a! Oftobni qara, havo issiq.
- Mana koʻrasan, yomgʻir yogʻadi. Ana,
  chumolilar inlarini berkitishyapti, dedi
  Karim.

Sal o'tmay osmonni quyuq bulut qopladi. Keyin rosa jala quydi. Bolalar o'zlarini panaga olishar ekan, Nodira sekin Karimga qaradi. "Qiziq, Karim chumolilar tilini bilar ekan-da", – deb qo'ydi o'zicha.



- Karim yomgʻir yogʻishini qanday aniqladi?
- 2. Siz ham ob-havo oʻzgarishini oldindan bila olasizmi? Bu nima uchun kerak?



Koʻp bilgan oz soʻzlar, Oz soʻzlasa ham soz soʻzlar.



Qatorma-qator, Zanjirdek o'tar.





#### **ALISHERNING ONASI**

Abdulla Oripov

Bilmam, ganday ayol bo'lgan Alisherning onasi. Balki uning agliga ham Lol golgan zamonasi.

> Balki uning koʻzlarida Bo'lgan og'ir bir xayol. Balki g'amgin bir zotdir u, Balki sho'xchan bir ayol.

Balki buyuk farzandiga Terib kelgan chechaklar. Balki tunlar unga bedor Aytib bergan ertaklar.

> Mayliga, u kim bo'lmasin, Yolg'iz bir so'z ma'nosi: Alisherning onasi u, Navoiyning onasi.



- 1. She'r kim haqida ekan?
- 2. Alisher Navoiyning shoir boʻlishida onasining o'rni ganday bo'lgan?



Onalar haqida maqollar ayting.



Ona - daraxt, bola - meva.



# 0



#### Umarali Qurbonov



Qoʻlda chaqaloq ukam Yigʻlar "inga-inga"lab. Yurak-bagʻrim ezilar, Yoshli koʻziga qarab.

Alla aytsam koʻnmaydi, Boqmaydi hech yuzimga. "Tobi qochgan, hoynahoy", Dedim oʻzim oʻzimga.

Onam kelib oldilar, Yigʻisi tindi-qoldi. Goʻyo yomgʻir oʻrnini Kun chiqib, oftob oldi.

Shunda qalbim charaqlab, Onajonim quchganman. Ta'zim qilib, bosh egib, Dildan qasam ichganman:

Oyga uchsam, onamni Olib uchay kiftimda. Gard qoʻndirmay bir umr, Koʻtaraman kaftimda.



- 1. She'r kimning nomidan aytilgan?
- 2. Siz onangizga qanday yordam berasiz?



Reja asosida "Mening onam" mavzusida eja asosica ogʻzaki hikoya tuzing:

- 1. Mening onam.
- 2. Onam ishdan kelsalar.
- 3. Men onamga yordamchi.



Ona kulsa, xona toʻlar, Ota kulsa, g'aming ketar.



Qafasga qoplon qamalib qoldi.



#### NAVRO'Z - TABIAT TANTANASI

21-mart bahoriy tengkunlik, tun va kun tenglashgan palla. Ajdodlarimiz bu kunni gadim-gadimdan tabiatning uygʻonishi, ayoz gish tugab, ilig mavsumning boshlanishi sifatida nishonlab kelishgan.

Navro'z – tabiat tantanasi, ekologik bayram, mehr-ogibat, mehnat va tinchlik ayyomidir. Yurtimizda har yili Navro'z bayrami arafasida umumxalq hashari o'tkaziladi. Katta-yu kichik ko'chaga chiqib, ariqlarni tozalaydi, atrofni supurib-sidiradi, daraxtlarni oqlab, xilma-xil gullar ekadi.

Yurtimizda Navro'z gadimdan bayram gilib kelingan. Navro'z yilning boshlanish kuni hisoblangan.



Qadimgi Xitoy yilnomalarida ajdodlarimiz har bahor qir-adirlarda katta tantana bilan yangi yilni kutib olishi toʻgʻrisida ma'lumotlar bor. Navroʻz bayramida milliy oʻyinlar oʻynalgan. Xalq kuy-qoʻshiqlari ijro etilgan. Bayram shod-u xurramlik bilan oʻtkazilib, butun yil yaxshi kelishi umid qilingan.

("Buloqcha" bolalar jurnalidan)



- 1. Matndan qanday yangiliklarni bilib oldingiz?
- 2. Siz Navro'z saylida qatnashganmisiz?



Navro'z bayrami haqida og'zaki hikoya tuzing.



Yilning yaxshi kelishi bahordan ma'lum.



#### **POLVONMAN**

Qambar Ota

Polvonman-o, polvonman, Kuchli deb nom olganman. Bilaklarimga garang, Mushaklarim tap-tarang.

> Sportning gadrin bilib, Chiniqqanman mashq qilib. Ko'kragi naq qalqonman, Pahlavonman, polvonman.

Ishlatmayman hech firib, Ragibimga chil berib. Yelkamdan tez oshirib. Qo'yadirman shoshirib.

> Mardlar halol kurashar, Kurash menga yarashar. Jasur, botir yuragim, Yerga tegmas kuragim.



- 1. She'r kim haqida ekan?2. Polvon bo'lish uchun nima qilish kerak?
  - 3. Siz gaysi sport turiga gizigasiz? Sport bilan shugʻullanasizmi?



Sogʻ yuray desang, ozoda boʻl.



# 0

#### **QALDIRG'OCH**

#### To'lan Nizom



O qaldirgʻoch, qaldirgʻoch, Qora koʻzlaring qiygʻoch. Duming oʻxshar xivichga, Qanotlaring qilichga.

Loy koʻtarib shiftda san, In solishga ustasan, Me'mormisan, ayt, oʻzing, Buloqdek qaynar soʻzing.

Qish kelganda ketasan, Janub tomon yetasan. Qaytganingda sen takror, Yurtga keladi bahor.

O qaldirg'och, qaldirg'och, Ayvonimda bola och!



- 1. She'r qaysi qush haqida ekan?
- 2. Qaldirg'och qaysi faslning darakchisi?



- 1. She'rdan qaldirg'och ini haqidagi misrani topib o'qing.
- 2. Rasm daftaringizga qaldirgʻoch rasmini chizing.



Turg'un to'rtta to'rg'ayni to'rga tushirdi.






# **BO'LIM YUZASIDAN TAKRORLASH**

Gunafshaxon: Assalomu alaykum, aziz o'quvchilar! Men Bahoroyning qizi Gunafshaxon bo'laman. Bugun siz bilan onam huzuriga sayohat qilamiz. Yo'lda uchragan qiziqarli jumboqlarni birga hal etamiz.

1. (a): Bahoroy bagʻri bayramlarga boy. Onajonlarimiz bayrami ham bahor faslida nishonlanadi. Ilonizi yoʻldan borib sharlardagi harflarni doirachalarga joylashtiring.

Belgilab qoʻyilgan doirachadan boshlab oʻqisangiz, onalarimiz haqidagi maqol kelib chiqadi.



2. (a): Barakalla, do'stlarim! Endi shoir Shukur Sa'dullaning she'rini o'qiymiz. She'rni o'qiyotganda, rasmlar o'rniga so'zlarni qo'yib, to'g'ri va tez o'qing. Keldi bahor, he bahor, Erib bitdi oppoq qor.
Uchib keldi larjon, lar taqdi marjon.
Suvlar oqar shildirab, boqar miltirab.
Iar yayrashar,
Shoʻx lar sayrashar.

- 3. <a>\bigsiz</a>: Endi qiziqarli savollarga o'tamiz.
- Daftaringizga quyidagi kataklarni chizing. Momaqaymoq va chuchmoma soʻzlarini katakchalarga joylashtiring:



• Kamalak soʻzidagi ikki harf oʻrniga boshqa harflarni qoʻyib, bahor taomlaridan birining nomini hosil qiling.



- Bahor faslida tabiatda qanday o'zgarishlar bo'ladi?
- 2. Boʻlimdagi qaysi she'r yoki hikoyada bahor tasvirlangan?
- 3. Qaysi matnlarda onajonlarimiz haqida yozilgan?





#### **BULBULJONIM KUYLASIN**

**Quddus Muhammadiy** 

Bulbuljonim kuylasin, Yogar kuyi jonimga. Tinglagim kelaverar, Sayrasa gulbog'imda.

Kuyi ajib yoqimli, Koʻnglimga zavq bagʻishlar. Vatanim chamanzorin Bulbuljonim olgishlar.



Tinglayman-u, qonmayman, Qo'shig'ida ne sir bor?! Jon gulog-la anglayman, Mag'zin chaqdim har bahor.

- 1. She'rda bulbul qanday tasvirlangan?
- 2. Bulbul haqida yana qanday ertak yoki she'rlarni o'qiqansiz?
  - 3. Siz yana qanday qushlarni bilasiz?



Bulbulga bogʻ yaxshi, Kaklikka togʻ.



Gul ustida jajji ashulachi.







#### CHUMCHUQ BOLA

O'ktam Usmonov

Boboxon chumchuq bolani rosa qiynadi: suvga solib suzdirdi, qanotlarini yoyib, hilpillatdi. Keyin oyogʻiga ip bogʻlab, koʻchaga olib chiqdi. Koʻchada Tal'atga duch keldi. Tal'at uni koʻrdi-yu, qovogʻi solindi. Boboxon judayam oʻjar bola edi. Tal'at shosha-pisha yonini kovlashtirdi: choʻntagida yarimta oʻchirgʻich bilan kecha ochgan qizil qalami bor ekan.

- Boboxon, chumchuqni qayerdan olding?
- Bugʻdoyzordan, chigirtka tutayotganimda doʻppim bilan urib yiqitdim.
  - Alishmaysanmi?

Boboxon yalt etib Tal'atga qaradi, soʻng bir narsa oʻyladi, shekilli:

- Alishaman, nimang bor? dedi hovliqib.
- Mana rangli qalam, agar xoʻp desang, oʻchirgʻichni ham beraman.

Boboxon bilagiga oʻrab olgan pishiq, ingichka ipni boʻshatib, Tal'atdan oʻchirgʻich bilan qalamni oldi-da, chumchuqni berdi. Keyin qiziqsinib:

- Buni alishvolib nima qilasan? dedi.
- Hozir bilasan nima qilishimni.

Tal'at chumchuq bolaning oyog'idagi ipni avaylab yechdi. Yuragi duk-duk urayot-gan bechora qushchani bir-ikki siladi-da, keyin birdan osmonga qo'yib yubordi. "Bor, uchaver!" So'ng Boboxonga garadi.

Boboxon goh qoʻlidagi oʻchirgʻich bilan qalamga, goh pat-pat qanot qoqib uchib ketayotgan chumchuqqa, goh istehzo bilan kulimsirab turgan Tal'at oʻrtogʻiga javdirab, nima qilishini bilmay qolgan edi.



- Hikoya qahramonlarining qaysi biri toʻgʻri ish qildi?
  - 2. Hikoyadan qanday xulosa chiqardingiz?



Birov buzar, birov tuzar.



Asad asil asal yaladi.



# TUYA, FIL VA OLMAXON

(Ertak)

1

Bir kuni tuya va fil yer haydamoqchi boʻlib, olmaxondan dastyor topib berishni soʻrashibdi.

Olmaxon ularga dastyor topib berishni va'da qilibdi.

Ertasiga fil dalaga yoʻl olibdi va yer haydab, urugʻ sepibdi. Oradan birmuncha vaqt oʻtgach, tuya dalaga boribdi-da, ekinlarni oʻtoq qilibdi. Keyin fil kelib ikkinchi oʻtoqni qilibdi. Oxir ekinlar pishib qolibdi. Tuya oʻrib, fil ularni bogʻlabdi.

Lekin shu oʻtgan vaqt ichida fil bilan tuya bir-birlari bilan sira toʻqnash kelmabdilar.

Bir kuni tuya olmaxonni uchratib, undan:

- Men yer haydadim-u, lekin dastyorni koʻrganim yoʻq. Qani u? – deb soʻrabdi.
- Hozir keladi, lekin u gʻallani saqlash uchun oʻra qazib qoʻyishingizni buyurdi, – deb javob beribdi olmaxon.



Tuya katta o'ra qazibdi.

Fil g'allani olib kelgach, olmaxonni ko'ribdi-da:

- Men verni haydadim, lekin dastvorni koʻrganim yoʻq, qayerda uning oʻzi? - deb bagiribdi.
- Mana u, o'rada, lekin g'allani olib kelish uchun uzog golib ketganingga achchiglanib o'tiribdi, - deva pichirlabdi olmaxon.

Tuya allaqanday bahaybat hayvonni ko'rib, yuragi chiqib ketayozibdi. Oʻra atrofidan shuvullab tuproglar tusha boshlabdi.

Filni ham vahima bosibdi, "O'radagi qo'rqinchli, bahaybat maxluq bo'lsa kerak", - deb, gʻallani tashlabdi-yu, orgaoldiga garamay o'rmonga gochibdi.

Tuya ham o'radan chiqibdi-yu juftakni rostlab qolibdi. Shunday qilib, tuya bilan fil qochib ketishibdi. Oqibatda o'zlari yetishtirgan hosildan quruq qolishibdi.



- 1. Olmaxon to'g'ri ish qildimi?
- 2. Sizningcha, tuya bilan fil ishni qanday boshlashi kerak edi?

#### **BO'LIM YUZASIDAN TAKRORLASH**

1. Rasmda nechta hayvon va nechta qush borligini aniqlang.



2. Rebusni hal qilsangiz, bo'limdagi mavzulardan biriga taalluqli maqolni o'qiysiz.


$$K + \boxed{3} - \boxed{1} + \boxed{4} + da.$$

3. Qushlar va hayvonlar nima bilan oziqlanishini bilasizmi? Bolakay ularning yemishlarini almashtirib qoʻydi. Unga xatosini toʻgʻrilashga yordam bering.



Ular qaysi ertak qahramonlari? Ertakni yodga oling.

4. Qushlar va hayvonlar haqidagi krossvordni yeching.



- ?
- Siz qanday qushlar va hayvonlarni bilasiz?
- 2. Uy hayvonlari va yovvoyi hayvonlardan qaysilarini bilasiz?
- 3. Qaysi qushlar qishda uchib ketmaydi?
- 4. Boʻlimdagi qaysi matn yoki she'r sizga koʻproq yoqdi? Nima uchun?





# TANSIHATLIK - TUMAN BOYLIK

(O'zbek xalq ertagi)

O'tgan zamonda bir qashshoq yigit donishmand cholning oldiga kelib:

- Ota, yeyishga nonim, kiyishga kiyimim yoʻq, juda qiynaldim, nima qilishni bilmay qoldim. Endi qayerga borib dod desam ekan,- debdi. Chol:
  - Sen kambagʻalmisan? desa, u:
- Ha, bola-chaqalarim va oʻzim ochman, kiyim-kechagimiz yoʻq,
   deb zorlanibdi.
   Chol:
- Xoʻp, boʻlmasa, menga oʻng qoʻlingni sot, necha pul beray, - desa, haligi yigit:
- Yoʻq, oʻng qoʻlim oʻzimga kerak, sotmayman, – debdi. Shunda chol:
  - Bo'lmasa o'ng ko'zingni sot, debdi.
- Nega men oʻng koʻzimni sotar ekanman, u menga doimo kerak, – debdi yigit.

Chol shu tarzda yigitning tana a'zolarini birma-bir sotgin, deb aytib chiqibdi. Yigit "Yo'q" javobini qaytaravergach, chol unga:

Ha, butun tanang sogʻ boʻlsa, turmushdan zorlanib nima qilasan? Kishining tan-joni sogʻligi – tuman boyligi-ku. "Sogʻ tanda sogʻlom aql", deb bekorga aytilmagan. Sogʻ boʻlsang hamma ish qoʻlingdan keladi, kuning oʻtadi, – deb javob beribdi.



- 1. Ertakdan qanday xulosa chiqardingiz?
- 2. Inson yaxshi yashashi uchun nima qilishi kerak deb oʻylaysiz?



"Sog' tanda sog'lom aql" maqolining ma'nosini izohlang.



Mehnat qilsang, yasharsan, Katta-katta osharsan.



### Ertak nima?

Ertaklar xalq tomonidan yaratilib, ular ogʻizdan ogʻizga koʻchib yuradi. U ba'zan toʻqib aytiladi, ba'zan uydirmalarga asoslanadi. Ba'zida sehrli sarguzashtlar boʻlishi mumkin. Ular kundalik turmush mazmuniga ham ega boʻladi.

#### KENJA O'G'IL

## (O'zbek xalq ertagi)

O'tgan zamonda bir donishmand cholning uch o'g'li bo'lgan ekan. O'g'illari voyaga yetgach, chol ularga bunday debdi:

- Bolalarim, men sizni yeyish-ichishdan kamsitmay oʻstirdim, har biringiz bir roʻzgʻorning egasi boʻlib qoldinglar. Endi otlaninglar, turli shaharlarga borib, qoʻrgʻon solib kelinglar!

Toʻngʻich oʻgʻli Fargʻona vodiysining hamma shaharlariga borib, u yerlarga bittadan uy solibdi.

O'rtancha o'g'il Buxoro, Samarqand tomonlarga borib, qo'rg'onlar qurdiribdi.

Kenja oʻgʻilning xotini oqila, dono ayol ekan. U eriga:

 Dadangiz turli shaharlarga qoʻrgʻon solinglar, deyishi bilan har bir shahardan doʻst orttiringlar demoqchi, – debdi.

Kenja oʻgʻil safarga chiqibdi. U qayerda boʻlmasin, surishtirib, eng yaxshi, vafodor kishilarni topib, ular bilan doʻstlashibdi.

Qani, kim qaysi shaharga qanday uy
qurdi ekan? – debdi chol bir kuni. –
Yuringlar, bir aylanib koʻrib kelaylik.

U oʻgʻillari bilan birga katta oʻgʻil qurgan qoʻrgʻonlarga borsa, soʻrrayib uy-joyning oʻzi, odamsiz turgan emish.

Oʻrtancha oʻgʻilning qilgan ishlari ham xuddi akasinikiga oʻxshabdi.

Bu qoʻrgʻonlarning odamlari qani?
 soʻrabdi chol. Toʻngʻich va oʻrtancha oʻgʻil unga javob bera olmabdi.

Hammalari kenja oʻgʻilning yor-birodarlari yashaydigan yerlarga borishgan ekan, ularni izzat-hurmat bilan kutib olibdilar, ketma-ket ziyofatdan boʻshamay qolibdilar. Shunda chol oʻgʻillariga qarab bunday degan ekan:

 Har bir shahardan orttirilgan do'st u yerga bir qo'rg'on qurish bilan teng! Mening maqsadimni faqat kenja o'g'lim tushunibdi.



- Ertak qahramonlaridan qaysi birining ishi sizga yoqdi?
- 2. Yana qaysi ertakda chol va uch o'g'il ishtirok etadi?
- 3. Ota nima uchun do'st orttirishni qo'rg'on qurishga o'xshatadi?



"Mening do'stim" mavzusida og'zaki hikoya tuzing.



Do'sting bo'lsa, bog'ing chamandir.



Koʻp qirrali toʻrtburchak, Kerak boʻlar uy qursak.





#### **ENG YAXSHI SOVG'A**

(O'zbek xalq ertagi)

O'tgan zamonda bir savdogarning uch qizi bo'lgan ekan.

Bir kuni savdogar safarga joʻnamoqchi boʻlibdi va qizlarini chaqirib:

 Qizlarim, men Xitoy mamlakatiga safarga ketyapman. Xohlagan narsalaringizni ayting, u yerlardan olib kelay!
 debdi.

Katta qizi bir shoda toza marvarid keltirishini soʻrabdi. Oʻrtancha qizi eng chiroyli shoyilardan olib kelishini iltimos qilibdi.

- Senga nima olib kelay? deb kenja qizidan soʻrabdi savdogar. Qizi:
- Otajon, o'sha yerlarda yegan noningizning kuyuklarini bir xaltaga to'plang, kelganingizda menga berasiz, – debdi.

Savdogar Xitoyda uzoq yurib, oldi-sotdi ishlarini tugatibdi va qizlari soʻragan narsalarni olib, uyiga qaytibdi.

Savdogar uyiga yetib kelib, ikkala qiziga sovgʻalarni topshiribdi. U kenja qiziga bir xalta nonning kuyugini berib:

Qizim, meni koʻp uyaltirib qoʻyding-

ku? - debdi.

- Otajon, - debdi kenja qizi, - men so'ragan narsa opalarimnikidan qimmatliroq.


U mushugini chaqirib, non kuyuklarini yedira boshlabdi. Mushuk ularni yeb boʻlibdi-yu, ogʻriqqa chidolmay tipirchilab aolibdi. Qiz:


- Otajon, koʻrdingizmi, agar shu narsalarni siz o'sha yoqda yurib yesangiz, biror koʻngilsiz voqea boʻlar edi. Men uchun sizning sogʻ yurishingiz eng katta davlat emasmi?! - debdi.

Shundan keyin savdogar kenja qizining maslahati bilangina ish qiladigan bo'libdi.



- 📜 1. Nima uchun kenja qiz otasidan boshqa sova'a so'ramadi?
  - 2. Ertak qahramonlaridan qaysi biri sizga koʻprog yogdi? Nima uchun?







#### **TULKI VA XO'ROZ**

# (Eron xalq ertagi)

Qadim zamonda bir xoʻroz boʻlgan ekan. U bir kuni tulkiga duch kelib, chinorning ustiga chiqib olibdi.

Tulki chinorning tagiga kelib debdi:

- Ey xo'roz, nega chinorga chiqib olding? Hali xabaring yo'qmi?! Podsho: "Bundan buyon hamma jonivorlar do'st bo'lsin", - deb farmon berdi. Kel, birga sayr qilamiz.
- Koʻpchilik boʻlsa yaxshi boʻladi. Biroz toʻxta, itlar yugurib kelyapti. Yetib kelishsa, birga sayr qilamiz, – debdi xoʻroz.

Tulki buni eshitib, qocha boshlabdi.

- Nega qochyapsan? soʻrabdi xoʻroz.
- Chunki itlar shohning farmonini eshitmagan bo'lishlari mumkin. Tag'in meni burdalab tashlashmasin, - deb tulki orqasiga qaramay qochib ketibdi.



- 1. Xo'roz tulkidan qanday qutulib qoldi?
- 2. Tulki nima uchun qochib ketdi?
- 3. Xoʻroz qaysi hayvonlar bilan doʻst boʻlishi mumkin?



Hayvonlar haqida bilgan ertaklaringizni nomini aytib bering.



To'rabek to'rni to'satdan tashladi.

# 0

#### **AQLLI BOLA**

## (O'zbek xalq ertagi)

Bir bor ekan, bir yoʻq ekan, qadim zamonda bir maqtanchoq podsho boʻlgan ekan. Bu podsho, yurtda mendan boshqa aqlli odam yoʻq, deb yurar ekan. Bir kuni podsho ovga chiqibdi. Tushgacha ov qilib, hech narsa tutolmabdi. Yoʻlda bir bolani uchratibdi. Podsho bolaga qarab:

- Hoy bola, bizni mehmon qilmaysanmi?
  debdi. Bola:
- Jonim bilan,deya javob beribdi.Shunda podsho:
- Bizlarni nima soʻyib mehmon qilasan? –
  deb soʻrabdi. Bola:
- Topsak birni, topmasak ikkini soʻyamiz,
   debdi. Podsho bolaning javobidan hayron boʻlibdi. Keyin vazirlariga:
- Bu bolaning gapida bir xosiyat bor,
  buni bir sinab koʻramiz, debdi.

Podsho odamlari bilan bolaning uyiga boribdi. Bola podshoni, uning odamlarini yaxshilab mehmon qilibdi. Podsho boladan:

Ey bola, sen nechta qoʻy soʻyding?
deb soʻrabdi. Shunda bola:

- Birni topmadik, shuning uchun ikkini soʻydik, – deb javob qaytaribdi. Podsho yana taajjublanib:
- Birni topmasang, ikkini qayerdan topib soʻyding?
  debdi.
- Bizning bir boʻgʻoz sovligʻimiz bor edi.
   Boshqa bir qoʻy topolmay, shu boʻgʻoz qoʻyni soʻydik. Oʻzini soʻygandan keyin, bolasi ham oʻldi. Ikkini soʻydik, deganning ma'nosi shu, debdi bola.

Podsho buni eshitib, bolaning aqliga qoyil qolibdi. Keyin uni oʻz saroyiga olib ketibdi. Bu bola oʻqib dono boʻlibdi, ulgʻaygach podsho uni bosh vazir qilib tayinlabdi.



- Podsho nega bolaning aqliga qoyil qolibdi?
- 2. Ertakdan qanday xulosa chiqardingiz?



- 1. Ertak qahramonlariga baho bering.
- 2. Reja tuzib, ertakni qayta hikoya qiling.



Aql yoshda emas, boshda.



Ergash Erkinga ergashdimi, Erkin Ergashga ergashdimi?



Tunlari osmonga boq, Mingta koʻz, bari uygʻoq. (Jelznolny)



# SOMON, CHO'G' VA LOVIYA

Aka-uka Grimmlar

1

Bor ekan-da yoʻq ekan, juda-juda qari, sakson yoshli kampir boʻlgan ekan. Kampir polizga borib, bir lagan loviya teribdi va ularni pishirmoqchi boʻlibdi.

U pechkaga oʻt qalabdi, olov tuzukroq yonsin deb, bir siqim somon ham tashlabdi. Keyin esa loviyalarni qozonga solibdi.

Hamma voqea shundan boshlanibdi.

U loviyalarni qozonga solayotganda, bir dona loviya polga tushibdi. Tushibdi-yu, somonning yonida yotaveribdi.

Xuddi shu yerga, polga pechkadan bir dona cho'g' sachrab tushibdi.

Shunda somon:

- Aziz do'stlarim, sizlar bu yerga qayerdan kelib qoldingiz? – debdi.
- Men, deb javob beribdi choʻgʻ, –
   pechkadan tushdim. Agarda u yerdan tushib ketmaganimda bormi, nobud boʻlardim:
   yonib, kul boʻlib, uqalanib ketardim.

Loviya bo'lsa:

 Mening ham omadim kelib, shu yerga yiqilib tushdim. Boʻlmasa, qolgan loviya



do'stlarimdek shavla bo'lib pishib, ezilib ketardim, – debdi.

Men ham pechkaning ichiga tushmay,
 shu yerga tushganimdan xursandman,
 debdi somon ham.

Shunday qilib, loviya, choʻgʻ va somon birga sayohatga joʻnashibdi.

2

Ular yurib-yurib, ariq boʻyiga borishibdi. Ariq kichkina, ensiz ekan-u, lekin undan oʻtish uchun koʻprik yoʻq ekan.

Somon o'ylab turibdi-da:

 Mana bunday qilamiz: men ariqqa koʻprik boʻlib turaman, sizlar esa mening ustimdan oʻtib olasizlar, – debdi. Somon koʻprik boʻlib turibdi. Uning ustidan avval choʻgʻ yugurib ketibdi. Oʻrtasigacha yugurib borganda, suvning shovullayotganini eshitibdi. U taqqa toʻxtab:

Suvdan qoʻrqaman, suvdan qoʻrqaman! – deb baqiribdi.

U toʻxtab baqirayotganda, somon tutab, ikkiga boʻlinib, ariqqa tushib ketibdi. Choʻgʻ ham suvga tushib ketibdi. Choʻgʻ: "Choʻkyapman, qutqaringlar!" – deb pishillab choʻkib ketibdi.

Loviya qirgʻoqda qolib, choʻgʻ va somonning qilgan ishidan rosa kulibdi.

U kulaveribdi, kulaveribdi va kulgidan yorilib ketibdi. Baxtiga qirgʻoqda tikuvchi oʻtirgan ekan. Tikuvchi igna-ipini olibdi-da, loviyaning ikkala boʻlagini bir qilib tikib qoʻyibdi. Tikuvchining yonida oq ipi boʻlmagani uchun loviyani qora ip bilan tikib qoʻyibdi. Oʻshandan beri hamma loviyalarning qoq oʻrtasida qora choki bor ekan.



- 1. Ertak qahramonlari qanday uchrashib qolishdi?
- 2. Nima uchun ularning sayohati qisqa boʻldi?
- 3. Do'stlarining ayanchli ahvolidan kulganlarning holi qanday bo'lar ekan?



Yaxshi bilan yursang, Yetarsan murodga.



Asalari asalini ayiqdan ayamadi.



Oʻzi juda hosildor, Qornida qora xoli bor. Yashil choʻziq uychada Yotadi qator-qator.







#### **QARG'A BILAN TULKI**

(Masal)





...Qargʻa bir kun allaqaydan Jindak pishloq topib oldi. Qoʻnoq tanlab qaragʻaydan, Yemoqchiydi, oʻylab qoldi.

Baxtga qarshi, oʻsha yerdan Oʻtib borar edi tulki. Pishloq hidin sezib birdan Joyida taq toʻxtadi-ku.

Qaraydiki — luqmayi pok Turar qargʻa tumshugʻida. Tulki, axir, azaldanoq Mazaxoʻrak bunga juda.

Asta keldi daraxt tomon Dum oʻynatib u yon-bu yon. Uzmay sira qargʻadan koʻz, Tamshangancha boshladi soʻz: "Aylanayin, doʻmboqqinam! Qosh-u koʻzi munchoqqinam!

Biram goʻzal pat-u boling, Boʻyinlaring, qaddi-doling. Ta'rifingga soʻz yoʻq, netay, Girgittoning boʻlib ketay!..

Farishtadan a'lodirsan, Kuylashda ham balodirsan? Bir sayrab ber, qaroqqinam, Tortinmasdan boshla, qani, Qushlar shohi derlar seni!"

Bu maqtovdan boʻlib shodmon Qargʻa: "Qagʻ!" – deb ogʻiz ochdi. Pishloq yerga tushgan hamon Ayyor tulki olib qochdi.



- Tulki nima uchun qargʻani rosa maqtadi?
- 2. Qarg'a nima uchun o'ljasini yo'qotdi?
- 3. Shoir bu masaldagi tulki va qargʻani qanday odamlarga oʻxshatadi?



Yaxshi doʻsting kuldirar, Yomon doʻsting kuydirar.



Kuchugimga oʻxshaydi, Lek xilvatda yashaydi. Ayyorligin qoʻymaydi, Tovuqni yeb toʻymaydi.



## Masal nima?

Masal bu – kishilarga oʻgit boʻladigan, xulosali kichik she'r yoki hikoya.





# HAKKA BILAN TULKI

(O'zbek xalq ertagi)

Kunlarning birida Tulki ovqat izlab oʻrmon boʻylab daydib yurib, birdan Hakkani koʻrib qolibdi. Ayyorlik qilib oʻzini oʻlikka solishga qaror qilibdi. Hakka daraxtning shoxidan uchib kelib Tulkining ustiga qoʻnibdi. Tulkining chindan ham oʻlganligini tekshirib koʻrish uchun asta choʻqib koʻribdi. Tulki qimir etmay yotardi. Hakka tulkining boshiga qoʻnib, qulogʻini choʻqigach, oʻlganiga ishonch hosil qilish uchun tumshugʻini ham choʻqib koʻrishni istabdi.

Hakka Tulkining tumshugʻiga yaqinlashay deganda ayyor Tulki qushning oyogʻidan tutib olibdi. Hakka Tulkiga yolvorib, yigʻlay boshlabdi.

- Nega endi buncha yigʻlaysan, mening
  Hakkajonim?! debdi Tulki.
- Bolalik chogʻimda ota-onam mendan qattiq jahllari chiqqanda, seni Tulki tutib olsin, deb qargʻashar edi. Shunchaki tutib olmasdan, balki seni baland togʻdan shunday tashlab yuborsinki, har bir tosh sening yonboshlaringni majruh qilib, Tulkiga xuddi urib ezilgan goʻshtday nasib etsin, deyishgandi. Koʻryapsanmi, oʻsha qargʻish amalga oshyapti, – javob beribdi hoʻngragancha Hakka.

Hakkaning ota-onasi istagi Tulkiga ma'qul kelib, ularning xohishini amalga oshirishga qaror qilibdi. Keyin Tulki baland qoyaga ko'tarilib, u yerdan Hakkani tashlab yubo-ribdi. Hakka zo'r quvonch bilan qanotlarini yoyib, uchib ketibdi. Tulki esa og'zini ochgancha qolaveribdi.



- 1. Hakka Tulkining tuzogʻiga qanday ilindi?
- 2. Hakka ayyor Tulkini qanday aldadi?
  - 3. Ertakdan qanday xulosa chiqardingiz?
- 4. Tulki haqida yana qanday ertaklarni bilasiz?



Ertak qahramonlariga ta'rif bering.



Yonidan oʻtsa birov, Boʻynini choʻzib darrov, Choʻqiy, deb qilar hujum, Gʻa-gʻalaydi betinim.







# MUSHUK VA SICHQON

Habib Po'latov

Sichqon oʻlja qidirib yurgan edi, bir burchakda yotgan mushukka koʻzi tushib qoldi. Qochib qutulishning sira iloji yoʻq. Sichqon sir boy bermay, unga qarab tik boraverdi.

- Salom, Baroqpolvon, dedi unga yaqin borib sichqon.
- Xo'sh, Chiy-chiyvoy, nima qilib yuribsan? – dedi mushuk.
- Bir tovoq goʻsht bor, shunga xaridor qidirib yuribman.
  - Xaridor biz. Evaziga nima soʻraysan?
  - Bir qop yongʻoq.
- O'zing ham juda noinsof ekansan. Bir tovoq go'shtga bir tovoq yong'oq-da.
- Bu mutlaqo insofdan emas. Yaxshisi,
   boshqa xaridor qidirganim ma'qul,
   deb sichqon yo'lga tushdi.

- Toʻxta, muncha oshiqmasang, dedi mushuk uning yoʻlini toʻsib. – Mayli, biroq yongʻoq pishganida beraman.
- Mayli, lafzingda tursang, bas, dedi sichqon.
- Albatta, turaman, dedi mushuk.
   Ammo: "Bu ahmoqni ertagayoq tutib yeyman", deb koʻnglidan oʻtkazib qoʻydi.

Sichqon mushukni orqasidan ergashtirib hujraga kirdi-da:

 Sen shu yerda kutib turgin, men hozir olib chiqaman, – deb kavakka kirib ketdi va qaytib chiqmadi.

Shundan beri mushuk qayerda kavak koʻrsa, uzoq vaqt pisib yotib, sichqonni poylaydigan boʻlib qoldi.



- 1. Mushukning boshqa ertaklardagi tulki bilan o'xshash jihati bormi?
- 2. Sichqon mushukdan qutulish uchun qanday yoʻl tutdi?



Ertak qahramonlarining rasmini chizing.



Toʻgʻri yurdim – yetdim murodga, Egri yurdim – qoldim uyatga.



Sardorning sayroqi sariq sa'vasi subhidamda sayradi.




### **BO'LIM YUZASIDAN TAKRORLASH**

1. Har bir katakdan mos soʻzni toʻgʻri tanlasangiz, shu boʻlim nomi kelib chiqadi.

Hikoyalar Masallar — yaxshilikka boshlar. doʻstlikka yetaklar. Ertaklar inoqlikka yoʻllar.

2. Sehrli olamga sayohat qilishni xohlaysizmi? Unda yoʻlga tushing. Sizga ertak qahramonlari yoʻl koʻrsatishadi. Krossvordni toʻgʻri hal qilsangiz, boradigan manzilingiz nomi kelib chiqadi.



3. Quyida berilgan soʻzlarga harflarni toʻgʻri qoʻshib-ayirsangiz, maqol hosil boʻladi. Masalan, "ishtaha" soʻzini hosil qilish uchun quyidagicha yoʻl tutish mumkin:

# TISH - T + TANA - NA + HA = ISHTAHA

```
TISH - T =
TISH - T + TANA-NA + HA =
QOCH - Q + ARI - I =
```



- Boʻlimdagi qaysi ertak yoki masal sizga yoqdi?
- 2. "Kenja oʻgʻil" va "Eng yaxshi sovgʻa" nomli ertaklar qahramonlari nimasi bilan oʻxshash?
- 3. Hayvonlar haqida yana qanday ertaklarni bilasiz?



- 1. Boʻlimda oʻqigan ertaklaringizdagi ijobiy va salbiy qahramonlarni sanab bering.
- 2. Bo'limdagi o'rganilgan ertak qahramonlaridan birining rasmini chizing.
- Mustaqil oʻqigan ertak kitoblaringiz nomlarini yozing.





#### **YOMG'IR**

O'roq Saidov

Yomgʻir, yomgʻir, yomgʻirjon,
 Behisob yoqut marjon.
 Shitirlab ne soʻzlaysan,
 Qay manzilni koʻzlaysan?



Orzum: bogʻlar yashnasin,
 Uchib-qoʻnsin kapalak.
 Toʻqlikka nishon boʻlib,
 Tovlansin yoy-kamalak.

Qoʻy-qoʻzilar oʻtloqda Suzishib yursin, mayli. Tulpor otlar kishnasin Barra oʻtim tufayli.

Shularni oʻylab koʻkdan Yer yuziga enaman. Rizq-u roʻz ulashuvchi, Bilsang, gʻamxoʻr onaman!



- 1. She'r nima haqida?
- 2. She'r kimning nomidan aytilgan?
- 3. Yomg'ir tabiatga qanday ta'sir qilar ekan?



She'rning oxirgi bandini o'qib, mazmunini tushuntiring.



Bu yoz Niyoz ekdi piyoz.



Oqib kelar shildirab, Oynadayin yaltirab. (^ns)



# **ZILOL SUV**



G'ani Abdullayev

#### 1

Oyim nonushtadan soʻng:

- Dadang bogʻ aylanib, keraksiz narsalarga koʻzi tushganmi: "Oʻgʻlingga ayt, yoʻqotsin ularni", – deb ishga ketdi, – dedi.
- Xoʻp, yoʻqotaman, deb oyimni xotirjam qildim. "Lash-lushlar"ni axlat mashinasi olib ketadigan joyga tashishga erindim. Anhor yaqin. Shundoqqina bogʻimiz etagiga tutash.

Mana, qoʻlimda opamning eski shippagi. Bir, ikki, uch! Anhorga gʻirillatdim. Bunisi botinka, "jagʻi" ochilib qolibdi. Gʻirillatdim. Suvning bagʻri keng. Qoʻlimdan uchgan narsa borki, ishimni yengillatib, bagʻriga yashiraveradi. Eh, boʻyoq bankasiga kelganda... Tepib yuborgandim, suvga yetmay, anhor boʻyidagi chinorga qattiq urildi-yu, pachoqlandi.

- Nima taraqlab ketdi, tinchlikmi, Tohir? – xavotirlanib ayvondan tushib keldi oyim.
  - Tinchlik... Shunday, o'zim...

Oyim atrofga qaradi. Hozirgina bogʻni xira qilib turgan "lash-lush"lar yoʻq. Faqat chinor tagida bankacha qopti, xolos.

- "Tashvish" dan osongina qutulibsan-da.Men dadil javob berdim:
- Faqat menmi, oyijon? Boshqalar ham anhorga duch kelgan narsani otishadi-ku!
- Birov oʻzini tomdan tashlasa, sen ham tashlayverasanmi? Dadang bilsami, naq koʻrsatadi...
  - Dadamga aytmang, jo-o-on oyi.
- Xoʻp, ammo boshqa bunaqa ish qilma.



154

2

Ta'tilga chiqqach, togʻda yashaydigan opamnikiga bordim. Toshdan toshga urilib, togʻdan tip-tiniq suv tushyapti.



Opamning kichik qaynisi Asad bilan cho'milib, oftobda yonboshlab yotardik.

Qani, menga yetib ol-chi,
 Asad shun-day deb oʻrnidan turdi-da, ilonizi yoʻldan chopa ketdi.

Ketidan quvdim. Yarim yoʻlga bormasdanoq hars-hars qilaman. Yana chopsam, koʻzim tinadigan. "Sharmanda boʻlmay yana..." Sekin orqaga qaytdim.

Ha, Tohir akavoy, qalaysiz?
 mazax
 ga oʻtirvolib.

Nima ham derdim. Jilgʻaga boshlab kelgan opam esa koʻnglimni koʻtardi:

- Togʻning zilol suvi Asadga tuganmas kuch bergan. Sen ham uning oʻrnida bo'lganingda, chiniqib, "pisharding". Boya, oh, oh, muncha maza, deb hovuchlab suv ichishingni ko'rib, biram quvondimki...

- Agar suvga hech kim hech narsa tashlamasa, bizning anhordan ham tiptiniq, toza suv oqadimi, opa?
- Bo'lmasam-chi, Tohirvoy. O'sha suvning boshi shu. Qara, qanday toza, a, – jilg'aga ishora qildi opam.

Jilgʻaga boqib, anhorga "lash-lush"larni otganlarim koʻz oʻngimga keldi. "Shundoq zilol suvni iflos qilsak... Bu ishimiz juda yomon boʻlar ekan".



- 1. Hikoya qahramonlarini nomma-nom ayting.
- 2. Siz Tohirning oʻrnida boʻlsangiz, nima qilar edingiz?
- 3. Suvni asrash uchun nima qilish kerak?



Suv haqida bilgan she'r va maqollaringizni aytib bering.



Suv keldi - nur keldi.



Kelar baland togʻlardan, Juda ham yiroqlardan. Giyoh bitmas bepoyon Sahrolarga berar jon.



# YERSHUNOS BO'LAMAN

Qambar Ota

Men yershunos boʻlaman, Tekshiraman Yer sharin. Bir kun aytib beraman Uning hamma dardlarin.

> Mehribon onam deya, Bagʻriga qoʻl solaman. Bir kichik farzand boʻlib, Koʻngillarin olaman.

Istagim: Yer qadriga Yetmagan zot qolmasin. Biz uni e'zozlaylik, Yerimiz hech tolmasin.

> Baxtimiz garovidir Tuproqning har zarrasi. Yoʻlatmaylik Yerga gʻam, Boʻlmasin hech yarasi.

Men yershunos boʻlaman, Tekshiraman Yer sharin. Qanday yaxshi, biz Yerning Tuzatolsak dardlarin.



- 1. She'r kimning nomidan aytilgan?
- 2. Yer nega onaga qiyoslanadi?
  - 3. Siz tevarak-atrofingiz tozaligi uchun nima qila olasiz?



Ona yerning tuprog'i - ona sutiday aziz.



Novvoy non yopar, Nonni novvot deb sotar.



Zar gilam, zar-zar gilam, Koʻtaray desam, ogʻir gilam. (JƏK)



## **BO'LIM YUZASIDAN TAKRORLASH**

1. Bo'sh doirachalarga sharlardagi harflarni iplari orqali topib joylashtiring. Shunda yer va suv haqidagi hikmatli gapni o'qiysiz.




2. Rebusni hal qilsangiz, bo'limga doir maqol hosil bo'ladi.



3. Suratdagi oʻrni almashib ketgan soat raqamlarini o'z o'rniga qo'ysangiz, yonidagi harflardan darslikdagi ertaklardan birining mazmuniga mos gap kelib chiqadi.

Ertak nima haqida edi? Uning nomini

eslana.





- 1. Yomg'ir tabiatga qanday ta'sir qiladi?
- 2. Suvning tozaligini asrash uchun nima gilish kerak deb o'ylaysiz?
  - 3. Nega Yer onaga tenglashtiriladi?



- 1. Tabiatni asrashning ahamiyatini ayting.
- 2. Oʻrganganlaringiz asosida tabiatni asrashga doir hikoya yozing.







## YOZ KELDI

Qambar Ota



Yoz keldi-yu yoz keldi, Kunlar nurli, soz keldi. Quyosh jilmayib boqar, Yuragidan o't yogar.

Olam sirli doshqozon... Daraxt, koʻchatlar larzon. Egilib turar bazo'r, Har yigʻilgan hosil zoʻr!

Salgin bedapoyaga, Koʻrpacha sol soyaga. Yoz yozadi dasturxon: "Huzur qilsin har bir jon!"



- 1. She'r qaysi fasl haqida?2. Shoir yoz faslida tabiatda boʻladigan o'zgarishlarni qanday ta'riflaydi?



1. Yozda pishadigan mevalarni ayting.



- 2. Ulardan birining rasmini chizing.
- 3. Quyidagi reja asosida hikoya yozing:
  - 1) Bizning bog'da.
  - 2) Mevalar terdik.
  - 3) Bobom va buvim xursand bo'ldilar.



Yoz mevasi - qish xazinasi.



Pirpirak pirillaydi, Chirildoq chirillaydi.





# TABIATNING NE'MATI KO'P

(O'zbek xalq ertagi)

Bor ekan-da yoʻq ekan, bir eshak boʻlgan ekan. U oʻzini juda aqlli deb bilar ekan. Kunlarning birida u bogʻga kiribdi. Qarasa, daraxtlarda mevalar, polizda qovoqlar pishib yotgan emish. Eshak daraxtlardagi mevalarga, polizdagi qovoqlarga qarab diqqat boʻlibdi. Shalpang quloqlarini qimirlatib:

 Tabiatning hamma ishi yaxshi, lekin ba'zi narsalarni boshqacharoq yaratishi kerak edi-da, – debdi.

Shunda daraxt shoxida o'tirgan chumchuq:

- Qani, ayt-chi, senga bularning nimasi yoqmadi? – deb soʻrabdi.
- Koʻrmaysanmi? debdi eshak olma
   va qovoqlarga imo qilib. Shunday
   katta daraxtning solgan mevasini qara,
   bola mushtidan ham kichik. Endi anavi
   qovoqlarni koʻr, kallamday keladi.
- Bor hikmat shunda-da, debdi chumchuq.
  - iuq. – Bunda hikmat nima qilsin? Olmalar

qovoqdek, qovoqlar olmadek boʻlsa, tuzuk boʻlardi-da, – debdi eshak.

Shunday deb eshak olma daraxtiga surkangan ekan, bitta olma uzilib, "tap" etib boshiga tushibdi.

- Voy, boshim yorilayozdiku, – debdi eshak boshini ushlab.
- Yaxshiyamki olma qovoqdek emas, boʻlmasa miyang-

ning qatigʻini chiqarib yuborardi, – debdi chumchuq kulib.

Rost aytding, ogʻayni! – debdi eshak
 va olma daraxti tagidan nari ketibdi.



- Ertakdagi voqea qaysi faslda va qayerda sodir boʻlgan?
- Ertakni oʻqib qanday xulosaga keldingiz?



Ertak qahramonlarini sanab bering.



Aqlliga - hurmat, aqlsizga - kaltak.



Quyon emas, Uzun quloq. Ot emas, Toʻrtta tuyoq.





# YOZNING ZIYNATI

Aziz Abdurazzog

Qaldirgʻochlar keldilar, Qoʻshiq aytib, vijirlab. Simga qoʻnib kuldilar Bolalarday bijirlab.

> Kiyimlari oq, qora, Ipak kabi mayindir. Koʻzlari shoʻx, qop-qora, Moʻljallari tayindir.

Moʻljallari – loy makon Tez qurilib bitadi. Ichidan duv palapon Uchib chiqib ketadi.

> Bu ham yozning xizmati, Yozimiz qushlarga boy. Qush ham yozning ziynati, Bagʻishlar yozga chiroy.



She'r qaysi fasl va qush haqida?



She'rdan qaldirg'och tasvirlangan misralarni topib o'qing va rasmini chizing.



Yozgi harakat - kuzgi barakat.



To'kinlikda noz-ne'mat, Qaysi fasl, ayt, Hikmat? (zo人)



# **QALDIRG'OCH BILAN BESHIKTERVATAR**

(Ertak)

Oltmish O'sarov

1

Yozda bor ekan, qishda yoʻq ekan, bir qaldirgʻoch boʻlgan ekan. U qishda issiq mamlakatlarga uchib ketar ekan-da, bahorda yana qaytib kelarkan. Tumshugʻida loy tashib in qurarkan. Tuxum qoʻyib, bola

ocharkan. Hech kim uning uyini buzmas, bolalariga teginmas ekan.

Bir kuni qaldirgʻoch oʻrik shoxiga qoʻnib, yemish axtarayotgan paytda, oyoqlari uzun, yashil koʻylakli bir hasharotga koʻzi tushibdi. U qaldirgʻochga qarab, hadeb tebranar emish.

- Kimsan? Nima ish qilasan? deb soʻrabdi qaldirgʻoch uni tanimay.
- Beshiktervatarman. Odamlarni chaqadigan chivin, qora pashshalarni tutib yeyman.
- Sen ham odamlarga ziyon keltirmas
  ekansan, jilmayib vijirlabdi qaldirgʻoch. –
  Kel, ikkalamiz doʻst boʻlaylik.
- Juda yaxshi, debdi beshiktervatar.
   Ikkalasi ahil oʻrtoq boʻlib, inoq yashay
   boshlashibdi.

2

Bir kuni qaldirgʻoch palaponlariga ovqat olib kelsa, ular qiy-chuvlashayotgan emish. "Bolalarimga nima boʻldi?" – deya iniga yaqinlashib qarasa, bir ilon kenjatoyini yutayotgan emish. Qaldirgʻoch bor ovozi bilan: "Bolalarimdan ajralib qolyapman, yordam bering!" – deb qichqiribdi. Chumchuqlar chirillab, hakkalar qagʻillashibdi. Biroq

yordamga kelishmabdi. Shunda u beshiktervatar oldiga shamoldek uchib kelib, vogeani avtibdi.

- Tezrog meni tishlab, uyingga olib bor, debdi beshiktervatar.

Qaldirg'och o'rtog'ining belidan tishlab, vana shamoldek uchib, inining oldiga olib kelibdi. Ilon zaharli tillarini cho'zgancha, ikkinchi bolasiga hamla qilayotgan ekan. Birdan koʻzi beshiktervatarga tushibdi-yu, gotib golibdi. Beshiktervatar chang solib. ilonning o'ng ko'zini o'yib olibdi. Ilon g'azablanib, toʻlgʻanib, beshiktervatarni dumi bilan urmoqchi ekan, bo'lmabdi. Beshiktervatar sapchib, ilonning ikkinchi koʻzini ham o'vib olibdi. Ilon shilq etib yerga tushibdi. Ogʻzini katta-katta ochib, jon beribdi.

Ona galdirg'och beshiktervatardan juda xursand bo'libdi. Shundan beri ularning do'stligi buzilmas emish.



- 1. Ertakdan qanday xulosa chiqardingiz?2. Haqiqiy doʻst qanday boʻlishi kerak?



- 1. Ertak gahramonlarini ta'riflang.
- 2. Matnning qismlariga sarlavha qoʻying.



Do'stingga do'st bo'l, 🚨 Dushmaningga ziyrak.



# A'LO O'QIDINGIZ, A'LO DAM OLING!

Ilyos Muslim

Shifoli nur sochib, oltin yoz keldi, Boshlandi har yoqqa sayr-sayohat. Oʻlkamiz koʻrkini qutlab yoz keldi, Qizir oromgohda shod istirohat.

Kuzda, qishda, bahorda qunt-la oʻqib, Yana bir dovonni oshdi bolalar. Ularning quvonchli qoʻshigʻin oʻqib, Yozdi keng quchogʻin gulzor, dalalar.

Dunyoda eng baxtli, ey oʻgʻil-qizlar, Xushhavo joylarda kuzgacha qoling. Sizlarni kuzatdik oromga bizlar, A'lo oʻqidingiz, a'lo dam oling!



- 1. Shoir she'rda sizga nima deyapti? Nima uchun?
- 2. Siz yozgi ta'til davomida nima qilasiz?



Yaxshi dam - mehnatga hamdam.



Chovli simdan, chovgum misdan.



Tepdim, tepdim, Terakka chiqdim.






# **BO'LIM YUZASIDAN TAKRORLASH**

 Rasmni diqqat bilan kuzatsangiz, shu boʻlimdagi qahramonlaringizni topasiz.



Rasmdagi qahramonlar ishtirokida hikoya tuzing.

2. Bolalarning manzilga yetib olishiga yordam bering. Meva nomlarini krossvordga tushiring va kerakli manzilni bilib oling.





- 1. Bo'limni o'rganish davomida qanday yangi ma'lumotlarni bilib oldingiz?
- 2. Beshiktervatar va ilon do'st bo'ladimi?



Oʻrganganlaringiz asosida reja tuzib, "Yoz" mavzusida hikoya yozing.



## **LUG'AT**

```
Ardog - izzat-hurmat, e'zoz-e'tibor
Bahra - huzur, rohat
                       F
Ezqulik - xayrli, ezgu ish
Fayz – jozibadorlik, yogimlilik
Gulshan - gulzor, chamanzor
                       н
Hur - ozod. erkin
Istigbol – baxtli kelajak
Istiglol – mustaqillik, erkinlik, ozodlik, hurlik
                       K
Karomat - oldindan aytish
Kuzak – kuzning dastlabki kunlari
Larzon - ogʻirlikdan egilib turish
Lolagun – Iola kabi qip-qizil
Lutf - marhamat, oliyjanoblik
                      M
Mavge - inson darajasi; martaba
Ma'sum - begunoh, pok
Notig - nutg so'zlovchi, gapga usta
```

O

Ostona – eshikning ostki qismi, uyga kiraverish joyi

P

Pigment – lotincha soʻz boʻlib, boʻyoq ma'nosini bildiradi. Pigmentlar organizm toʻqimalari tarkibiga kirib, quyosh ta'sirida oʻz rangini oʻzgartiradi

Piyma – jundan bosib tayyorlangan oyoq kiyimi

Qoʻnoq – qushlar qoʻnadigan joy; mehmon Qoʻrir – qoʻriqlamoq

S

Sambit – tol daraxtining bir turi Sarv — tik oʻsadigan, doim yashil daraxt

Taqvim – kun, oy, yilning joylashish tartibi Tashi – tashqarisi, sirti

Tuyg'un – tez sezib oladigan, sezgir Tug'yon – ichki tuyg'ular toshqini

U

Ufq – yer va osmon tutashgan boʻlib koʻrinadigan joy

V

Vujud – borliq, insonning gavdasi, bor jismi

Zarqanot – qanotlari tillarang Sh

Sharaf – shuhrat, faxr Shijoat – jasurlik, dadillik

# **MUNDARIJA**

ONA TORTINI - OLTIN BESHIGINI	
Vatanjonim, vatanim (Poʻlat Moʻmin)	6
Ma'naviyatli xalqni yengib bo'lmaydi (Rivoyat) Bolajon hayajoni (Miraziz A'zam) "Afrosiyob" – tezyurar poyezd (Erkin Malik) O'zbekistonim (Anvar Obidjon) Suv oqsin Orolga (G'ani Abdullayev) She'rim senga, Vatanim (Quddus Muhammadiy) Ajoyib bahs (Hidoyat Olimova) Vaqtning hajmi qancha? (Hamza Imonberdiyev) Bo'lim yuzasidan takrorlash	16 18 20 21 23 24 27
MAKTABIM – QUTLUGʻ MAKONIM, KITOBIM – OFTOBIM	
Maktab (Umida Abduazimova) Ilm (Abdulla Avloniy)	33
Uygʻon (Mirtemir)	36
Sayoq bola (Rauf Tolib)Yodlasam boʻlmasmidi? (Kavsar Turdiyeva)	39 42
Ilk saboq (Raim Farhodiy) Eng yaqin doʻstimiz (Hakim Nazir) Boʻlim yuzasidan takrorlash	45
bo iiii yuzasidaii takioilasii	+/

## **OLTIN KUZ - HOSILING YUZ**

Oltin kuz (Tursunboy Adashboyev)	50 52 53
MEHNAT BAXT KELTIRAR  Odam boʻlaman (Anvar Obidjon)	60 62 63 65
KUMUSH QISH - MISOLI OQQUSH	
Qish (Ilyos Muslim) Qishning oʻrtogʻi (Zahro Hasanova) Qorqiz (Anvar Obidjon) Ayrilganni (Latif Mahmudov) Qor (Zafar Diyor) Togʻ malikasi (Zahro Hasanova) Qorning koʻp xosiyati bor (Ilyos Muslim) Laylakqor (Qutbi Nosirova) Chilla chiqib (Tursunboy Adashboyev) Vatan – mehr qoʻrgʻoni (Iskandar Rahmon) Boʻlim yuzasidan takrorlash	72 74 75 78 80 81
OTALAR SO'ZI - AQLNING KO'ZI	
Tilingni avayla — omondir boshing (Yusuf Xos Hojib)	96

Ibn Sinoning bolaligi (Maqsud Qoriyev)	89 91 93 95 97
Alisher Navoiy (Xurshid Davron)  Boʻlim yuzasidan takrorlash	102
<b>ZUMRAD BAHOR - BAHRIDILING OCHAR</b>	
Bahor keldi (Aziz Abdurazzoq) Boburning fazilatlari (G. H. Pant) Koʻklam sep yoydi (Doʻstjon Matjon) Bir tup sada (Mahmud Murodov) Gunafsha (Qudrat Hikmat) Tanbeh (Latifjon Mansurov) Momaqaymoq (Quddus Muhammadiy) Karim chumolining tilini bilarkan (Hamid Jalolov) Alisherning onasi (Abdulla Oripov) Onam (Umarali Qurbonov) Navroʻz – tabiat tantanasi Polvonman (Qambar Ota) Qaldirgʻoch (Toʻlan Nizom) Boʻlim yuzasidan takrorlash	106 108 109 111 112 114 115 117 118 119 121 122
QUSHLAR, HAYVONLAR - BIZNING DO'STIM	IZ
Bulbuljonim kuylasin (Quddus Muhammadiy) Chumchuq bola (Oʻktam Usmonov) Tuya, fil va olmaxon (Ertak) Boʻlim yuzasidan takrorlash	.125 .126 .128

# ERTAKLAR - YAXSHILIKKA YETAKLAR

Tansihatlik – tuman boylik	
(O'zbek xalq ertagi)	.132
Kenja oʻgʻil (Oʻzbek xalq ertagi)	.134
Eng yaxshi sovgʻa (Oʻzbek xalq ertagi)	
Tulki va xo'roz (Eron xalq ertagi)	.138
Aqlli bola (O'zbek xalq ertagi)	
Somon, cho'g' va loviya (Aka-uka Grimmlar)	
Qarg'a bilan tulki (Ivan Krilov)	.144
Hakka bilan tulki (Oʻzbek xalq ertagi)	.146
Mushuk va sichqon (Habib Poʻlatov)	
Boʻlim yuzasidan takrorlash	.150
TABIATNI ASRANG, AVAYLANG	
Yomg'ir (O'roq Saidov)	
Zilol suv (G'ani Abdullayev)	
Yershunos boʻlaman (Qambar Ota)	
Boʻlim yuzasidan takrorlash	.158
YOZ - O'TADI SOZ	
Yoz keldi (Qambar Ota)	.160
Tabiatning ne'mati ko'p (O'zbek xalq ertagi)	.161
Yozning ziynati (Aziz Abdurazzoq)	.163
Qaldirg'och bilan beshiktervatar (Ertak)	
(Oltmish O'sarov)	.164
A'lo o'qidingiz, a'lo dam oling!	
(Ilyos Muslim)	.167
Boʻlim yuzasidan takrorlash	
Lugʻat	.169

#### Oʻquv nashri

#### GʻAFFOROVA TAL'AT, NURULLAYEVA SHAHLO, MIRZAHAKIMOVA ZEBINISO

### O'QISH KITOBI

To'rtinchi nashr

Umumiy oʻrta ta'lim maktablarining 2-sinfi uchun darslik

> "Sharq" nashriyot-matbaa aksiyadorlik kompaniyasi Bosh tahririyati Toshkent – 2018

#### Rassomlar:

Umid Sulaymonov, Zarnigor Shomahmudova, Dilnoza Mahmudova, Faxriddin Sultonov, San'at Iliusinov. Abilxavirova Shirin

Muharrir Eldor Bozorov Badiiy muharrir Feruza Basharova Sahifalovchi Mastura Atxamova Musahhihlar: M. Ziyamuhamedova, Sh. Xurramova

Nashr litsenziyasi Al № 201, 28.08.2011-y.

Bosishga ruxsat etildi 06.03.2018. Bichimi 70x90<sup>1</sup>/<sub>16</sub>. "Pragmatica" garniturasi. Kegli 16; 14 shponli. Ofset bosma. Shartli bosma tabogʻi 12,87. Nashriyot-hisob tabogʻi 12,51. Adadi 490375 nusxa. 110-sonli buyurtma.

"Sharq" nashriyot-matbaa aksiyadorlik kompaniyasi bosmaxonasi, 100000, Toshkent shahri, "Buyuk Turon" ko'chasi, 41-uy.

#### Ijaraga berilgan darslik holatini koʻrsatuvchi jadval

T/r	Oʻquvchining ismi, familiyasi	Oʻquv yili	Darslikning olingandagi holati	Sinf rahbarining imzosi	Darslikning topshirilgan- dagi holati	Sinf rahbarining imzosi
1				200.	auge.au	
2						
3						
4						
5						
6						
7						
8						

#### Darslik ijaraga berilganda va oʻquv yili yakunida qaytarib olinganda yuqoridagi jadval sinf rahbari tomonidan quyidagi baholash mezonlariga asosan toʻldiriladi:

Yangi	Darslikning foydalanishga birinchi marotaba berilgandagi holati.
Yaxshi	Muqova butun, darslikning asosiy qismidan ajralmagan. Barcha varaqlari mavjud, yirtilmagan, koʻchmagan, bet- larida yozuv va chiziqlar yoʻq.
Qoniqarli	Muqova ezilgan, birmuncha chizilib, chetlari yedirilgan, darslikning asosiy qismidan ajralish holati bor, foydalanuvchi tomonidan qoniqarli ta'mirlangan. Koʻchgan varaqlari qayta ta'mirlangan, ayrim betlariga chizilgan.
Qoniqarsiz	Muqova chizilgan, yirtilgan, asosiy qismidan ajralgan yoki butunlay yoʻq, qoniqarsiz ta'mirlangan. Betlari yirtilgan, varaqlari yetishmaydi, chizib, boʻyab tashlangan, darslikni tiklab boʻlmaydi.

#### Oʻquv nashri

#### GʻAFFOROVA TAL'AT, NURULLAYEVA SHAHLO, MIRZAHAKIMOVA ZEBINISO

#### O'QISH KITOBI

To'rtinchi nashr

Umumiy oʻrta ta'lim maktablarining 2-sinfi uchun darslik

> "Sharq" nashriyot-matbaa aksiyadorlik kompaniyasi Bosh tahririyati Toshkent – 2018

> > Rassomlar:

Umid Sulaymonov, Zarnigor Shomahmudova, Dilnoza Mahmudova, Faxriddin Sultonov, San'at Iliusinov

Muharrir Eldor Bozorov Badiiy muharrir Feruza Basharova Sahifalovchi Mastura Atxamova Musahhihlar: M. Ziyamuhamedova, Sh. Xurramova

Nashr litsenziyasi Al № 201, 28.08.2011-y.

Bosishga ruxsat etildi 06.03.2018. Bichimi 70x90<sup>1</sup>/<sub>16</sub>. "Pragmatica" garniturasi. Kegli 16; 14 shponli. Ofset bosma. Shartli bosma tabogʻi 12,87. Nashriyot-hisob tabogʻi 12,51. Adadi 61071 nusxa. 110A-sonli buyurtma.

"Sharq" nashriyot-matbaa aksiyadorlik kompaniyasi bosmaxonasi, 100000, Toshkent shahri, "Buyuk Turon" ko'chasi, 41-uy.